

# ANG BINHI SA SERPENTE



Minahal nga Dios, ang daku ug makagagahum nga Dios, Kinsa nag-umol sa tanang mga butang pinaagi sa gahum sa Iyang Espiritu; ug nagdala kang Jesus Cristo, Iyang bugtong Anak, Kinsa sa walay bayad namatay alang kanamong mga makasasala, ang Matarung alang sa dili matarung, aron ipasig-uli kami balik ngadto niining kahibulongang panaghiusa nga among nabatunan pagbalik uban sa Dios. Ingon nga kami gikatudloan diha sa silimbahong Pulong, nga kami adunay panaghiusa uban Kaniya sa wala pa ang pagkatukod sa kalibutan. “Sa dihang nagakadungan pag-awit ang mga bitoon sa kabuntagon, ug ang mga anak sa Dios nagkaduyog sa pagsinggit sa kalipay, kaniadtong wala pa matukod ang kalibutan.” Giunsa man namo pagkasayod nga kato dili ang samang panahon nga ang Cordero gipatay; nga sa dihang ang Dios, sa Iyang hataas nga hunahuna, nakita kami nga nagasinggit ug nagakalipay sa among kaluwasan pinaagi ni Jesus!

<sup>2</sup> Ug, niining gabhiona, igo pa lamang namo nabatunan ang pasiunang pag-ambit nianang daku nga Diosnong kahimayaan nga mapadayag sa Iyang ikaduhang Pag-abot. Ang tanan nga mga balatian ug kaguol matapos na. Dayon makabaton kami ug lawas sama sa Iyang Kaugalingong mahimayaong lawas, kay kami magasud-ong man sa Iyang pagkamao. Dinhi ingon nga kami nagatan-aw sa among mga kamot nga nagakalunos, ang among mga buhok nga nagakauban, ug ang mga abaga nga nagatikubo, kami nahibalo nga kami adunay kamatayon ug nagpadulong ngadto sa abog ngadto diin ang among mga ulo nagyuko karon, ug diin kami nagagikan. Apan, Ginoong Dios, sama katinuod nga Ikaw Dios, Ikaw naghimo ug saad nga kami pagabanhawon pag-usab sa katapusang mga adlaw, ug kami nagatoo niini.

<sup>3</sup> Mahinuklugon kami nga nagabarug uban sa among pagtoo niining gabhiona diha sa Imong Presensya, nagaduol nga may kaisog tungod nga si Jesus nagsugo kanamo sa pagbuhat niini. Dili diha sa maayong butang nga among nabuhat, kay kami wala gayud nabuhat nga maayo; apan kami nagaduol nga mapainubsanon, nga nagapadayag nga kami nanag-iya niining bahandi tungod sa Iyang grasya nga gibahin na kanamo. Gumikan niini, kami nagaduol sa pagpangamuyo nga Ikaw magapanalangin kanamo karong gabhiona sa pagdala sa Pulong. Kay kini nahisulat, nga, “Ang tawo dili mabuhi sa tinapay lamang, apan sa matag Pulong nga magagula sa baba sa Dios.” Ug tugoti nga ang baba sa Dios mao ang magapanulti niining kagabhion. Tugoti nga ang mga pulong magagula, ug hinaut

nga Kini mahingadto sa kinahiladman sa mga kasing-kasing kanamo, nga mga tigpamati, ug mapuno sa Imong Espiritu ug sa Imong Presensya. Kay among ginapangayo kini sa Ngalan ni Jesus. Amen.

<sup>4</sup> Karong—karong adlaw ug kagahapon, kagahapon sa gabii, diay, ug karong adlaw, kita naghigot na sa hisgutanan, una, sa pagpanguna niini, *Ngano Nga Kita Dili Usa Ka Denominasyon*. Ug kusganon nato kining nahimo, ngano nga kita dili usa ka denominasyon, ug ngano nga kita dili nagatoo sa mga denominasyon. Tungod kay, makita nato kini sa Biblia, nga ang mga denominasyon wala gayud ordenahi sa Dios; kini gi-ordena sa yawa; ug gipamatud-an kini sa Biblia. Ug giunsa nga, pinaagi sa mga denominasyon, nagadala ug kasaypanan. Karon ato kining ginasulti aron tul-iron ug aron dalhon kining tabernakulo ngadto sa usa ka pakig-ambitay libot sa silimbahong Pulong sa Dios. Nga, ang atong mga paglaum wala gitukod sa kon unsay ginasulti sa denominasyon, o kon unsa may ginasulti sa tawo; kini gitukod diha kon unsa ang gisulti sa Ginoong Dios. Ug mao lamang kana ang bugtong paagi nga kita matul-id gayud diha sa saktong.

<sup>5</sup> Ug kaganinang buntag, ako adunay lima, ako nagtoo, nagkalain-laing mga artikulo nga ninggawas diha sa denominasyon, nga wala gayud hisguti sa Biblia, nga ang Protestante nga kaiglesiahanan nagayukbo niana, ug ginatudlo ingon nga doktrina; ang samang butang nga ang karaan nga inahang bigaon, ang Katolikong iglesya ginawali, ug ninggawas ngadto sulod sa Protestante nga iglesya. Ug kita nagayukbo sa samang butang nga kabatok bisan asa sa Pulong sa Dios.

<sup>6</sup> Ang una nga denominasyon nga iglesya, ato kining gitangaw ganihang hapon diha sa kaagi sa mga amahan sa Nicaea, sa iglesya sa Nicaea. Pagkahuman sa kamatayon sa mga apostoles, adunay ning-abot nga mga amahan sa Nicaea, ug sila nagpadayon sa pipila ka mga katuigan. Tulo ka gatus ug kaluhaan ug lima ka tuig, pagkahuman ning-abot ngadto—ngadto sa Nicaea, sa Pransya, diin ilang gimugna ang—ang dakung konsilyo sa Nicaea. Ug didto ilang giporma kining maong mga dogma nga anaa karon sa iglesyang Katoliko, ug mao usab ang napasa ngadto sa mga Protestante.

<sup>7</sup> Ug sama sa akong nasulti sa—sa pagpanudlo kaganinang buntag, “Ang matag usa niadtong mga kapanahonan sa iglesya, hangtud niadtong—niadtong panahon sa Iglesya sa Tesalonica, ang napulo ug lima ka gatus ka tuig nga ngitngit nga katuigan, wala gayud ni usa ka higayon apan kon unsa lang ang Iyang giingon, ‘Anaa pa kanimo ang Akong Ngalan.’”

<sup>8</sup> Ug dinhi sa laing bahin, sila wala na diha kay Cristo, sila nanagpangawas diha sa usa ka pangdenominasyon nga ngalan,

“Katoliko, Luther, Wesley, Baptist, Presbyterian, Pentecostal,” sa mga nangsunod pa.

<sup>9</sup> Apan sa wala pa gayud ang pagsirado sa panahon, Siya nag-ingon, “Akong ginatanyag sa atubangan kaninyo ang usa ka pultahan nga inablihan.” Nakita ninyo? Ug mao kana ang panahon nga atong ginatoohang ania kita karon, ang panahon nga abli ang pultahan, tunga-tunga sa katapusan nga pagpanggawas sa Laodecia nga Iglesia.

<sup>10</sup> Ug kini ensakto sa tulo ka gatus na ug kaluhaan ug lima ka tuig ngadto sa Laodecia nga konsilyo. Ug didto ilang gipangdawat kining maong mga porma sama sa pagpisikpisik, pagbubo, ug sayop nga mga pagbautismo, mini nga balaang espiritu, ang tanan niining uban pang mga butanga. Ilang gipangdawat kini.

<sup>11</sup> Ug dayon sa dihang si Luther, ingon nga pari, ug nigawas gikan sa Katoliko nga simbahan, uban niini gidala kining mga butanga. Ug gikan didto mitungha si Zwingli, gikan ni Zwingli mitungha si Calvin, gikan ni Calvin mitungha si Wesley pagawas, oh, ug padayon. Ug ilang padayon nga daladala lang gihapon ang maong mga dogma. Ug unsaon man magiyahan sa Dios ang Iyang Iglesia, sa dihang sila nagasubay sa mga dalan nga wala gani gayud Niya gipagawas ngadto kanila aron sa paggiya?

<sup>12</sup> Ug timan-i, sa Pinadayag 17, atong makita “Ang babaye.” Karon kining mga pulong dayag. Sila nahisulat na diha sa Biblia, mao nga tingali ako makasulti kanila. Giingon nga kining maong babaye usa ka “bigaon.” Nga ang buot ipasabot siya usa ka babaye nga daut na ug dungog; nga siya unta mominyo na sa usa ka bana, ug naghimo mga pakighilawas sa kalibutan. Ug siya adunay usa ka . . . Usa siya ka “**INAHAN SA MGA BIGAONG BABAYE,**” busa siya adunay mga anak nga babaye. Ug ato kanang gihulagway na pinaagi sa heograpiya, ingon nga anaa sa . . . Ug didto, ako mismo, sa pagkakita niini diha sa Kasulatan, sa pagkakita sa iyang mga doktrina ug tanan na, ako nagatoo nga ang Ginoo hingpit nga gipadayag niini diha, nga kana wala nay lain pa kondili ang Katoliko nga simbahan. Mao lamang kini ang paagi nga mamahimo kana. Ug unsa man ang iyang gihimugso? Ang Protestante nga mga kaiglesiahanan. Sa tukma gayud, iyang nahimo.

<sup>13</sup> Ug anaa sa iyang kamot ang kopa sa bino sa iyang mga pakighilawas, ug iyang ginapaambit kini sa mga hari sa kalibutan. Ug siya mao ang magmamando ibabaw sa tanan nga anaa sa kalibutan, sa espirituhanon nga pagkasulti. Ug kana tinuod gayud. Wala nay lain pa . . .

<sup>14</sup> Tan-awa, atong, mahimo kitang mobalik sa Daniel ug kuhaon ang hulagway. Tan-awa ang hulagway: ang ulo nga bulawan, mao ang gingharian sa Babylonia; tumbaga . . . o salapi, Medes-o-Persia; tumbaga, Alexander the Great, ug uban

pa, ang gingharian sa Gresya; dayon ang mga emperyo sa Roma, Sidlakan ug Kasadpan nga Roma, ang duha ka tiil.

<sup>15</sup> Ug matikdi sa niining napulo ka mga gingharian, nga sa tukma nagatungha uban sa katong napulo ka sungay nga atong gihisgutan kaganinang buntag, sa matag-usa niadtong napulo ka mga gingharian nga magatungha, adunay puthaw ug yuta nga kolonon nga gisagol. Ug kanang puthaw nagagikan sa mga paa, nga mao ang Roma. Ug adunay bahid sa Romanismo nga nasagol sa matag nasud sa ilalum sa Langit, pinaagi sa Katoliko nga iglesia. Tinuod gayud kana. Ug sila dili masagol, bisan diin.

<sup>16</sup> Ug sila magminyoay, diha sa usa ug usa. Ang Biblia nag-ingon nga sila magahimo niana. Ug tan-awa sila karon. Ang imong anak nga lalaki nagapakig-uban sa usa ka Katoliko nga babaye; sa dihang sila magminyoay na, sila kinahanglan magapanaad sa pagpadaku sa ilang mga anak nga ma-Katoliko; kita n'yo, mao pud sa usa. Nakita ninyo, ug kini aron sa pagbungkag sa gahum sa usa.

<sup>17</sup> Apan unsa man kini? Ang Biblia nagapamahayag nga ang maong tibuok butang ingon nga usa ka pagbiniga. Karon unsa ang inyong pagabuhaton? Tinuod kana. Ug kon unsa nga ang mga sala sa mga tawo pagaduawon... Atong gibalikan ang Deuteronomio, ug gipakita nga ang usa ka anak-sa-gawas nga bata, anak sa dili kinasal, dili gani makasulod sa katilingban sa Ginoo sulod sa napulo ug upat ka mga kaliwatan. Kadto ang sa ilalum sa kasugoan. Ug si Cristo ning-abot aron sa pagpadaku sa kasugoan. Unsa pa kaha kahalabihan kini karon?

<sup>18</sup> Ug unsa nay nagakahitabo sa kining mga, unsay nagakahitabo niining mga gagmay nga kiatang babaye diha sa kadalanan karon, kining mga gagmay nga mga nagapanigarilyo nga kababayan-an, ug nagapangsuot ug mubo'g bisti, mubo'g buhok nga mga kiatang babaye, ug uban pa? Unsa may nagakahitabo niini? Kini tungod kay ang ilang mama gibuhat ang ingon niana. Mao ni ang pagduaw, ang kalapasan, gikan sa usa ka kaliwatan ngadto sa usa pa. Mao na kon unsa kini. Ug unsa man ang atong nakuha? Kita nahiadto sa usa ka dapit, usa lamang ka katipun-ugan sa walay lain kondili lamukat nga sala.

<sup>19</sup> Mao kana ang hinungdan nga ang Dios nagpabarug sa Rusya, didto, uban sa bomba-atomika aron sa pagpapas kaniya, sama sa nahiunang lunop, sa dihang Iyang gipasaka ang mga panganud. Tinuod, Iyang nabuhat. Ug ang Biblia nagasulti nga mao kana. Ang Rusya, ang walay Dios nga nasud nga mao sila, dili nagatoo nga may Dios, sa bug-os nagalihok nga tukma subay diha sa mga kamot sa Dios nga Makagagahum sa tanan. Sama lang kang Haring Nabucodonosor alang sa paggun-ob sa Israel tungod kay sila nangapakyas sa paglakaw uban sa Dios, ang Rusya nagabangon aron “ipanimalus ang mga balaan,” sa

Katoliko nga simbahan, sa dugo nga iyang gipaagas sa mga balaan. Ang Biblia nagsulti niini. Kini magalukop gayud sa tanang butang.

<sup>20</sup> Busa tan-aw dinhi, kung ang ilang inahan usa ka korista nga babaye, ug ilang lola, ug iyang inahan usa ka babayeng kiatan, unsa man siya karon? Usa ka rock-and-rollista nga naghubo-hubo. Unsa na man kaha ang mahitabo sa iyang mga anak?

Ug kamo moingon, “Nagabuhat ba ang Dios niana?” Oo, sir.

<sup>21</sup> Ang Dios nagaduaw sa kalapasan sa mga anak, sa kaliwatan, bisan ngadto sa napulo ug upat ka mga kaliwatan. Ug kung si Cristo ning-abot aron sa pagpadaku niini, ingnon nato, “Usa ka gatus ka mga kaliwatan, o lima ka gatus ka mga kaliwatan.” Aba, Siya nag-ingon, “Sila sa karaang panahon, kamo nakadungog na kanila nga nag-ingon, sila nga sa karaang panahon, ‘Dili kamo magpatay.’ Sultihan ko kamo, ‘kamo, nga bisan kinsa nga kanunay’ng nagkasuko sa iyang igsoon, sa walay hinungdan, nakapatay na.’ Kamo nakadungog na nila nga nag-ingon, sila sa karaang mga panahon, ‘Dili kamo manapaw.’ Apan sultihan ko kamo nga kinsa kadtong motan-aw sa usa ka babaye uban sa pagka-ibog kaniya, nakapanapaw na.” Iyang nahimo kining. . . Unsa man ang pagpadaku? Himoon kining mas daku sa makadaghang higayon. Ug kon ubos sa kasugoan kadto sa napulo ug upat ka mga kaliwatan, unsa na man kaha ka kadugayon mahimo ang samang butang karon?

<sup>22</sup> Ug ang mga batan-ong mga lalake, ug anaa sa tunga-tunga nga pangidaron nga mga lalake, ug minyo na nga mga lalake wala nay pagtahod sa ilang mga saad sa kaminyoon. Aba, sila magakuha lamang ug mga babaye ug makigpuyo kanila bisan asa, ug sama lamang sa kasagarang mga iro. Ang iro aduna pay mas maayo nga pagtahod ug mas maayo pa nga mga pamatasan kaysa uban nga mga tawo. Ug ako nasayod nga kana hilabihan kakusgan, apan kana husto.

<sup>23</sup> Ngano man? Ug ang kasimbahanan nagpasagad na lang ug wala gayuy ginasulti bahin niini. Ngano man? Sila nagapamuhat sama sa ginabuhat sa ilang mama. Ang kaiglesiahanan nakapanunod niini. Tungod kay, ang iglesia ug kining Protestante nga iglesia gikan sa Katolikong iglesia, ang mga sala sa iglesiang Katoliko giduaw diha sa mga Protestante. Sa walay duhaduha, mao kana, mao nga ang kolon dili makatawag sa kaldero nga “hugaw.” Mao kana ang tinuod gayud.

<sup>24</sup> Karon atong makita, ug diha sa Kasulatan, atong nakita. . . Ug wala ko pa gayud nakita ang usa ka tala sa lamesa dinhi karong gabii. Ako nag-ingon, “Ipakita kanako ang usa ka dapit diin ang Dios nag-ordena ug usa ka denominasyon. Ipakita kanako ang usa ka dapit diin ang Dios nag-ordena ug usa ka babaye nga magwawali. Ipakita kanako ang usa ka dapit diin ang Dios nag-ordena sa pagpisik-pisik. Ipakita kanako ang usa

ka dapit diin ang Dios nag-ordena sa pagbubo. Ipakita kanako ang usa ka dapit diin ang Dios adunay si bisan kinsa nga gibautismohan sa ngalan sa ‘Amahan, Anak, Espiritu Santo.’ Pangitaa kanang mga butanga.” Ug sa gihapon kanunay kini sila atong ginahimo. Kini anaa lamang gihapon mismo sa iglesia.

<sup>25</sup> Karon, ako nag-ingon, “Sa imong pamaagi nga ang hinungdan nga kita dili mahimong Baptist, tungod kay kita nagatoo kanila nga gipangbautismohan sa Ngalan ni Ginoong Jesus Cristo. Wala pa gayuy usa, diha sa Biblia, nga gibautismohan sa laing pamaagi. Ipakita kanako ang usa ka dapit diin ang usa ka tawo gibautismohan sa ngalan sa ‘Amahan, Anak, Espiritu Santo,’ iisa ko ang akong mga kamot ug moingon ako usa ka mini nga profeta.”

<sup>26</sup> “Ug kon ang Biblia nagasulti nga kamo kinahanglan ‘mabautismohan sa Ngalan ni Jesus Cristo,’ nagpasabot kana nga kinahanglan buhaton ninyo kini sa nianang pamaagi. Si Pablo nagsugo kanila sa pagpabautismo usab. Bisin kon giunsa pa ang pagbautismo kanila kaniadto, kinahanglan sila moduol, magpabautismo pag-usab. Sila kaniadto nabautismohan sa samang tawo nga nagbautismo kang Jesus Cristo; Si Juan Bautista. Siya nag-ingon, ‘Dili na kana magsilbi pa. Kinahanglan ninyo moduol, magpabautismo pag-usab.’ Ug kinahanglan nila buhaton kini sa dili pa nila nadawat ang Espiritu Santo. Mao kadto ang programa sa Dios.”

<sup>27</sup> Tingali ako magapadayon pa sa lawum-lawom pa niana, karong gabii. Ngano man? Si Jesus nagatuman sa Iyang Pulong. Nagatoo ba kamo niana? Karon, halos hapit tanan kaninyo ania dinhi kaganinang buntag, apan gusto kong magpahayag pa ug dugang niana.

<sup>28</sup> Ngano man nga si Pablo mosu . . . imando kana nga human na kini nahimo? Si Pablo nag-ingon, “Bisan pa kon usa ka Manolonda gikan sa Langit moanhi ug magawali sa bisan unsa pa nga lahi, ipatunglo siya.”

<sup>29</sup> Karon kamo moingon, “Among nabatonan ang bag-ong Kahayag niini.” Dili, wala kamo niana. Mao kana kon unsa ang giadto sa demonyo kang Eba, lain nga bag-ong Kahayag. Dili ninyo kinahanglan ug bag-ong Kahayag. Inyong gikinahanglan ang paglakaw diha sa Kahayag nga gipahimutang na sa Dios dinhi, mao lamang kana.

<sup>30</sup> Karon bantayi kini, kon unsa lamang ka yano. Sa dihang nangpanaug sila gikan sa Bukid sa Pagkausab, si Jesus nag-ingon, ngadto sa Iyang mga tinun-an, “Sumala sa sulti sa mga tawo kinsa man kono ang Anak sa Tawo?”

“Ang usa nag-ingon Ikaw ‘si Moises, o si Elias, usa sa mga profeta.”

Nag-ingon Siya, “Unsa may inyong sulti?”

31 Siya nag-ingon, si Pedro nag-ingon, “Ikaw mao ang Cristo, ang Anak sa buhi nga Dios.”

32 Nag-ingon Siya, “Bulahan ikaw Simon, ang anak ni Jonas; kay unod ug dugo wala nagpadayag niini nganha kanimo.” Kita n’yo, kini dili nagagikan sa mga seminaryo. Dili kini nagagikan sa mga denominasyon. “Unod ug dugo wala nagpadayag niini nganha kanimo. Wala gayud nimo kini nahibaloan pinaagi sa bisan unsa nga tunghaan sa teolohiya. Apan ang Akong Amahan, nga anaa sa Langit, mao ang nagpadayag niini kanimo. Ug ibabaw niining bato pagatukuron Ko ang Akong Iglesia; ug ang mga gahum sa kamatayon dili gayud makabuntog niini,” usa ka espirituhanong pinadayag kon si Kinsa Siya.

33 Matikdi, “Ug sultihan Ko ikaw nga ikaw mao si Pedro. Ug Akong ikahatag kanimo ang mga yawe sa Gingharian. Ug bisan unsay imong pagabugkuson sa yuta, kini pagabugkuson Ko sa Langit; bisan unsa nga imong pagaluagan sa yuta, pagaluagan Ko kini sa Langit.” Karon, Iyang kinahanglang tumanon ang Iyang Pulong o Siya dili Dios. Karon, ug sa dihang Iyang gibuhat kana, sa pipila ka mga adlaw human niana; Siya gilansang, nabanhaw, ningkayab ngadto sa Langit, ug si Pedro nag-abli sa Maayong Balita sa Adlaw sa Pentecostes. Gibuhat ba kini niya? Siya, sigurado, iyang gibuhat. Karon bantayi, sa dihang iya nang buhaton. . .

34 Silang tanan nanangyubit ngadto kanila, tungod kay sila napuno man sa Espiritu. Sila gipangtawag ug mga “erehes, mga holy-roller,” o mga ngalan nga ingon niana. Ug sila gani nangatawa, ug nag-ingon, “Kini sila mga hubog sa bag-obino.”

35 Ug si Pedro nga nagatindog sa ilang taliwala, mipatugbaw sa iyang tingog, ug siya nag-ingon, “Mga tawo ug mga igsoon, paminawa ang akong tingog. Paminawa ang akong mga pulong ug patalinghug kanako. Kini sila wala nangahubog sama sa inyong pagdahum; sanglit karon ikasiyam pa man lamang ang takna sa kabuntagon niining adlaw. Apan kini mao ang giingon sa profeta nga si Joel, ‘Ug mahitabo sa kaulahiing mga adlaw, nga Ako magabubo gikan sa Akong Espiritu,’ ug kon unsa ang Iyang pagabuhaton sa Iyang mga anak nga lalaki, ug sa Iyang mga anak nga babaye, ug sa Iyang mga sulugoon nga babaye, ug uban pa, nianang adlaw.”

36 Ug sa dihang sila nagsugod sa pagpaminaw niini, sila gisakitan sa ilang kasingkasing. Tungod kay, sila nakadungog man ug usa ka tawo nga dili gani kahibalo sa iyang ABAKADA, sa gihapon ilang namatikdan gayud kaniya, nahibaloang siya adunay Usa ka Butang sa iyang kinasuluran, nga nagapadilaab kaniya, ang Espiritu Santo. Pahunungon siya? Aba, sama lang kini sa nagasulay pagpalong sa kalayo, diha sa uga nga

gambalay, sa mahangin nga adlaw. Dili nimo kini mahimo. Siya puno sa Espiritu Santo. Ug unsa man ang iyang gibuhat karon?

<sup>37</sup> Sila nag-ingon, “Buena, mga kalalakin-an ug mga igsoon, unsa may among buhaton aron mamaluwas?”

<sup>38</sup> Karon bantay, Pedro, anaa kanimo ang mga yawe sa Gingharian. Kita n’yo?

<sup>39</sup> Karon, sa dihang si Jesus nabanhaw sa ikatulo ka adlaw, wala Kaniya ang mga yawe sa Gingharian sa Langit. Nakahibalo ba kamo niana? Nag-ingon Siya, “Anaa Kanako ang mga yawe sa kamatayon ug sa impyerno,” apan dili ang ngadto sa Gingharian, tungod kay sila gihatag na ngadto kang Pedro.

<sup>40</sup> Karon Siya nag-ingon, “Pedro, bisan unsa ang imong pagaluagan sa yuta, pagaluagan Ko kini sa Langit. Unsa ang imong pagabugkuson sa yuta, pagabugkuson Ko kini sa Langit.”

<sup>41</sup> Karon dinhi siya nagabarug uban sa mga yawe, aron ablihan kining bulahanong butang ngadto sa kalibutan. Ug dinhi anaa na kaniya ang mga yawe sa iyang kamot. Ug sila nagapangutana, “Unsa man ang among puwedeng buhaton aron maluwas?” Karon, bisan unsa pa ang gisulti sa maong apostoles nga buhaton, ang Dios kinahanglan nga ilhon kini sa Langit, kon Siya nagahatag kaniya nianang kagahum.

<sup>42</sup> Karon si Pedro nag-ingon, “Paghinulsol, ang matag-usa kaninyo, ug pabautismo sa Ngalan ni Jesus Cristo alang sa kapasayloan sa inyong mga sala, ug madawat ninyo ang gasa nga Espiritu Santo.” Husto ba kana? Ug kana ang hinungdan nga ang mga yawe sa Langit gilisoan ang lain pang ubang ngalan, ang lain pang ubang pamaagi, ang lain pa—ang lain pang ubang porma. Kini miliso sa yuta, ug kini miliso sa Langit, o si Jesus dili gituman ang Iyang Pulong ngadto kang Pedro. Ug sa matag dapit diha sa Biblia sila gibautismohan, human niadto, sila gipangbautismohan sa Ngalan ni Jesus Cristo. Ug kadtong gipangbautismohan sa wala pa kana, kinahanglan moduol ug mabautismohan pag-usab, sa Ngalan ni Jesus Cristo, aron makadawat sa Espiritu Santo. Mao kana ang ensakto. Kini nagapadayon sa gihapon nga ingon.

<sup>43</sup> Busa, kon kita nagapanudlo ug bautismo sa ngalan sa “Amahan, Anak, ug Espiritu Santo,” kini dili tinuod nga panagna. Karon dili ko kamo buut pasakitan, apan kinahanglan ko nga ipukpok kini aron kining iglesia mahibalo kong unsa. Dili kita ania dinhi ingon nga usa ka hugpong sa walay kahibalo’g salikwaut nga mga tawo; kita nahibalo kon asa kita nagabarug diha sa Pulong sa Dios. Kita n’yo, nakahibalo kita. Akong ginahagit ang si bisan kinsa sa pagpakita kanako ug usa ka dapit diin si bisan kinsa nabautismohan sa ngalan sa “Amahan, Anak, Espiritu Santo.” Karon maminaw ba mo sa bakak nga panagna o sa Kamatuoran? Susiha ang mga Kasulatan. Anaa ra kini kaninyo.



44 Ipakita kanako diin ang usa ka tawo diha sa Biblia, diin ang usa ka iglesia giordenahan sukad ingon nga usa ka denominasyon diha sa—diha sa Biblia. Ipakita kanako diha sa Biblia diin sila nag-ordena sukad ug usa ka babaye nga magwawali. Ipakita kanako diha sa Biblia diin tanan niining mga butanga, nga atong gikahisgutan, gikaordenahan bisan asa diha sa Biblia. Sila wala dinha. Sultihiko ko ug usa ka dapit. Adtoa ninyo ang usa ka denominasyon . . .

45 Bueno, sa dihang ang mga Methodist ningtungha, sila nanangwali ug pagkabalaan. Maayo kana. Apan, sa dihang ila na kining nabuhay, nangtukod sila ug usa ka denominasyon, ug mao kanay nagtapus niana. Mao kana ang hinungdan nga ang Biblia nagsulti, “Aduna na kamoy ngalan.”

Moingon ka, “Ako usa ka Cristohanon.”

“Unya, unsa nga denominasyon ka nahisakop?”

46 Moingon ka, “Usa ka Methodist,” aba, ikaw usa na ka bigaon kong ing-ana. “Ako usa ka Baptist,” bigaon. “Pentecostal,” ikaw usa ka bigaon. Nahisakop ka nianang iglesia.

47 Kamo kinahanglan masakop kang Cristo. Wala kamoy katungod nga moingon, “Methodist,” “Baptist.” Kon ikaw usa ka Cristohanon, ikaw usa ka Cristohanon sa kasingkasing.

48 Ang matag usa niadtong denominasyon makahimo ug mga anak, mga anak sa Dios, tinuod kana. Apan sa dihang kamo maghunahuna nga kamo paadto sa Langit tungod lamang kay kamo usa ka Methodist o Baptist, nasayop kamo. Ug mao kana ang hinungdan nga kita nagpabilin sa gawas nianang butanga.

Nganong dili man makita sa mga Baptist?

49 Akong gipangutana ang usa ka Methodist nga tawo dinhi, nga nagasulat ug usa ka pahayag-lantugian, gisulat sa una pa. Siya nag-ingon, “Ang usa lamang ka butang nga kami anaay supak kanimo, ikaw nagauban-uban diha sa mga Pentecostal.”

Ako miingon, “Kinsa man nang ‘kami’?”

“Kaming, mga Methodist.”

50 Ako miingon, “Bueno, sultihan ko ikaw kon unsa ang akong pagabuhaton. Moanha ko sa inyong siyudad ug inyong tugotan nga ang mga Methodist mao ang magpasiugda niini.”

“Oh,” miingon, “siyempre, dili namo mahimo kana.”

51 Ako miingon, “Mao lage kana ang akong gihunahuna. Ako nagapakig-uban diha sa Pentecostal tungod kay ang Pentecostal nagatoo niini. Tinuod kana. Nagakahiusa sila niini. Sila mao ang nagapahimulos niini.”

52 Pila ba ang nakabasa niadtong artikulo sa *Life* nga magasin, bag-o pa lang, mahitungod sa iglesiang Pentecostal? Kini usa sa pinakadagkung mga butang-katingalahan niining panahona. Aduna silay mas daghang mga kinabig sa usa ka

tuig kaysa uban tanang mga kasimbahanan bisan hiusahon pa. Ngano man? Bisan pa sa ilang mga sayop, ang Dios nagapadayon pagpanglihok kanila, tungod kay sila nagtoo man sa Kamatuoran ug nagapadayon uban Niini. Kini mao ang Kamatuoran.

<sup>53</sup> Apan unsa man ang atong ginabuhat karon? Kita n'yo? Mao kana ang hinungdan nga kita dili denominasyon. Ug ingon sa kasigurado nga ang Pentecostal nagakahimong denominasyon. . .

<sup>54</sup> Ug sa katong kaniadto pa, sa dihang ang Espiritu Santo unang gibubo diha sa Pentecostal nga iglesia, kap-atan ka tuig na ang milabay, ug sila nangsugod pagsulti ug mga dila, ang usa sa mga gasa. Mao kana ang kinagamyang sa mga gasa. Mao kana ang kinaubusan sa mga gasa, sumala kang San Pablo, mao ang pagsulti ug mga dila. Ug sa dihadhiha nga kini miabot, "Oh," sila nagaingon, "ania na Kini kanato karon," ug sila naghimo ug usa ka denominasyon, ang Tibuok nga Konsilyo, nga mao na karon ang Assemblies of God. "Oh, walay usa nga nakabaton Niini gawas kon kamo nagasulti ug mga dila," ug ang Dios dayon mipalayo na lamang gikan kanila, ug gipasagdan sila nga nagpabilin didto. Sa pagkatinuod. Oo, sir.

<sup>55</sup> Niadtong panahona ning-abot ang Oneness, ug nakita ang bautismo sa Ngalan ni Jesus. Sila nag-ingon, "Oh, Anaa na kanamo Kini," sila nag-organisar. Unsa na man ang ilang gibuhat? Ang Dios dihadhiha mipalayo ug mibiya kanila nga napirme didto.

Kini alang sa, "Bisan kinsa man nga buut, paaria siya."

<sup>56</sup> Nakita ninyo, ang mga Oneness dili makaadto sa Assemblies. Ang mga Assemblies dili makaadto sa Oneness. Ako nang naestorya ang uban sa mga pinakamaayong tawo nila, si Mr. Goss, ug si Dr. Pope, ug daghan pa. Ang mga tawo nga mga inilang tawo diha sa. . . Ako nakalingkod uban kanila. Ako miingon, "Unsaon man ninyo kana pagtudlo nga kana pasiunang ilhanan, ingon nga usa ka manggialamon?"

<sup>57</sup> "Bueno," miingon, "Igsoong Branham," usa, duha o tulo kanila, tinuod nga matitud-anon, miingon, "nahibalo kami nga kana sayop, apan unsa man ang among mahimo? Kon kami mosulti ug bisan unsa bahin niini karon, aba, mopakgang kini sa tibuok programa." Sigurado, ug ikaw dili na gayud mahimong obispo pa, o ang tibuok nga tigdumala. Mao kana ang ginapasabut.

<sup>58</sup> Igsoon, mas maayo pa nga aduna akoy gamay nga misyon diha sa eskina, o magwali man sa ilalum sa kahoy'ng pino, ug aduna ang Kamatuoran, sa walay duhaduha, ug nahibalo nga ikaw nagasulti sa Kamatuoran. Ang tawo gusto sa Kamatuoran. Ug ikaw ubligado, ingon nga usa ka Cristohanon, sa pagdala sa tala sa Kamatuoran. Himoon sa Dios nga tulubagon mo kini.

59 Unya, sa niining mga butanga, kon wala ka pa mabautismohi sa Ngalan ni Jesus Cristo, ug wala pa nimo nabuhat kining mga butanga, ug wala pa nimo nadawat ang Espiritu Santo. . .

60 Ikaw moingon, “Oh, ako nakasulti na ug mga dila.” Wala kana nagapasabot nga anaa na kanimo ang Espiritu Santo.

61 Ako nakakita na ug mga balbal, mga salamangkiru, mga demonyo, ug tanang uban pa, nanagsulti ug mga dila. Sa tinud-anay. Wala silay Espiritu Santo, ug nahibalo kamo niana. Moinom ug dugo gikan sa bagolbagol sa tawo, ug mosayaw, ug nagatawag sa yawa, ug nagasulti ug mga dila. Tinuod. Wala kanila ang Espiritu Santo.

62 Busa, kay nagasulti ka ug mga dila, wala kana nagapasabot nga nakabaton ka na Niini. Ang bugtong paagi nga mahibaloan mo nga nakabaton ka na Niini, sa dihang ang imong espiritu nagapanghimatuod uban sa Iyang Espiritu, ug ang mga bunga sa Espiritu nagauban kanimo: gugma, pagtoo, kalipay, kalinaw, pailub, pagkamaayo, pagkamalulot, kaaghop. Mao na kana ikaw mahibalo na nga anaa na kanimo ang Espiritu Santo. Kini nagapanghimatuod sa Iyang Kaugalingon.

63 Karon, sa dihang ikaw nagapaninguha sa pagsandig diha, tungod kay ikaw nahisakop sa Assemblies, o sa Baptist, o sa Presbyterian, nakita ba ninyo kon unsay inyong ginabuhat? Inyong ginadala ang ngalan sa usa ka bigaon. Mao kana gayud ang tinuod. Panggawas kamo nianang butanga. Pagpahilayo gikan niini. Wala ko nagapasabot ang paggawas sa inyong iglesia o kon unsa man; buhata kon unsa ang gusto nimong buhaton mahitungod niana. Apan pahilayo gikan sa pagsandig diha, “Oh, ako Presbyterian. Wala kami nagatoo sa mga adlaw sa mga milagro.” Nganong dili man kamo nagatoo niini? Ang Biblia nagatudlo niini. “Oh, ako nahisakop sa Church of Christ. Sila nagaingon ang mga adlaw sa mga milagro nilabay na.” Mga mini sila nga mga profeta.

64 Mapakita ko kaninyo kon diin si Jesus Cristo nagahatag ug Gahum sa Iglesia, sa pag-ayo ug sakit, ug pagbanhaw sa patay, ug pagpagula sa mga yawa. Ginahagit ko ang si bisan kinsang tawo sa pagpakita kanako ug usa ka Kasulatan sa Biblia diin Iya kining gikuha pahilayo gikan sa Iglesia. Unsa may nakapakuha niini pahilayo? Ang inyong dogma, tinuod, dili ang Pulong sa Dios. Ang Espiritu Santo sa gihapon ginapadayon mismo ang paghimo sa buluhaton, nagapadayon sama sa gihapon, ug Iyang buhaton hangtud sa kahangturan.

65 Mao kana ang hinungdan nga kita dili usa ka denominasyon, “Nga anaay dagway sa tinuohan, ug nagapanghimakak sa Gahum niini; likayi kining mga tawhana.” Dili kita nagatoo nianang butanga.

66 Karon, giunsa man gayud niini pagsugod? Kinahanglan ta magdali ug moadto niini sama sa mahimong dali karon, kon

giunsa gayud niini pagsugod. Karon aduna kitay daghang mga Kasulatan nga gisulat dinhi mahitungod sa Espiritu Santo.

<sup>67</sup> Ug usa pa ka butang, kita naghimo'g usa ka hagit kababii, mahitungod sa “ang pagkamalahutayon sa mga balaan,” dili sa pamaagi nga ginatooan sa mga Baptist. Dili, sir. Ako sigurado lahi gayud sa mga Baptist ug sa ilang pagtoo, ug sa ilang teorya mahitungod sa Calvinismo. Ako dili gayud nagkauyon sa mga Presbyterian. Ako supak sa mga Methodist sa ilang pamaagi sa doktrinang Arminyan. Oo, sir. Apan sila pareho adunay kamatuoran, apan ikaw kinahanglan madala balik *Dinhi* diin mao ang Kamatuoran. Sa dihang ikaw mopaingon didto, mahisalaag ikaw uban niini. Sigurado.

<sup>68</sup> Ang mga Baptist moanhi, magabautismo ug pipila dinhi, diha sa pagtuslob; ug ang magwawali nagabautismo kanila, ang siyam sa napulo magapanigarilyo, mobalik sa gawas ug mangbarug didto, ug magdula'g mga baraha, magdula'g dinayaay tibuok gabii, nanagpatuyang, ug hiwing mga pagpatigayon sa negosyo; ug ang tanang mga babaye nga nanagsuot ug mga purol sa gawas dinhi, nanagpasagad diha sa kalsada, ug nanagpapatol sa ilang buhok, ug—ug nanagsigarilyo ug nanagtabi-tabi, ug ang dinagmay nga mga stitch-and-sew nga panagtigum, ug nanagpanghisgot ug hugaw nga mga panistis. Ug inyong tawgon kana nga Cristiyanismo? Ug kamo nagadahum nga aduna na moy kasigurohan nga Walay Katapusan? Paingon mo sa Impyerno sa ingon niana. Dili kamo magmalipayon sa inyong kaugalingon sa Langit sa bisan unsa pang pamaagi. Dili gayud. Dili kana mao ang Walay Katapusan nga kasigurohan.

Apan sa dihang ang tawo natawo pag-usab diha sa Espiritu Santo . . .

<sup>69</sup> Ug kamong Pentecostal, tungod kay kamo milukso'g pataas ug paubos, nanagsulti ug mga dila, nagadagan pabalik-balik diha sa alagian, wala kana nagapasabot nga kamo nakabaton na sa kasigurohang Walay Katapusan. Ayaw gayud ninyo kana ibutang sa inyong ulo. Ayaw, sir. Kini sigurado nga dili gayud. Tungod kay, nahibalo kamo nga ang inyong kaugalingon—ang inyong kaugalingong kinabuhi nagapanghimatuod kaninyo diha, nagatala, nga kamo dili tarung diha sa Dios. Tinuod kana. Kamo dili tarung. Dili kana ang kasigurohang Walay Katapusan, dili pa.

<sup>70</sup> Apan gusto kong mangutana ug usa ka butang kaninyo. Aduna bay kasigurohang Walay Katapusan? Ang Biblia nagasulti nga mao. Ang Biblia nagsulti nga ang atong mga ngalan gibutang na sa Basahon sa Kinabuhi sa Cordero sa wala pa gayud nagsugod ang kalibutan.

<sup>71</sup> Sama sa akong gikasulti kaganinang buntag, isulti ko kini pag-usab. Ang tawo nga nagsulat sa alawiton, “Adunay usa

ka ngalan nga gisulat didto sa Kahimayaan karong gabii, ug kini ako,” ang iyang linya sa panghunahuna maayo man, apan siya sayop, sumala sa Kasulatan. Ang imong ngalan wala kini gibutang diha sa gabii nga ikaw naluwas.

<sup>72</sup> Ang imong ngalan, matud pa sa Biblia, sumala sa Pinadayag 13, 17, ug uban pa, “nabutang na didto sa wala pa gayud nagsugod ang kalibutan; ug si Jesus Cristo gipatay na sa wala pa ang pagkatukod sa kalibutan.”

<sup>73</sup> Giunsa man sa Dios, nga Kinsa walay kinutoban; giunsa man sa walay kinutoban nga Dios, nga nahibaloan ang katapusan gikan sa sinugdanan, giunsa man gayud Niya pagtugot sa sala nga moabot sa kalibutan, kon dili pa kini tungod sa usa ka hinungdan?

<sup>74</sup> Aron lamang pamatud-an karon ang mga butang nga atong nasulti. Unsa may una, ang Manluluwas o ang makasasala? [Usa diha sa kongregasyon nagaingon, “Manluluwas.”—Ed.] Manluluwas, sigurado. Hain man ang mas gamhanan, ang Manluluwas o ang makasasala? Kon ang Manluluwas makakuha sa sala, Siya mas labaw nga gamhanan. Bueno, ngano man nga gitugotan Niya ang sala nga mahitabo sa sugod pa lang? Aron pagpakita nga Siya usa ka Manluluwas. Hain man ang pinakagamhanan, ang mananambal o ang balatian? [“Ang mananambal.”] Ang mananambal. Unya ngano man nga gitugotan Niya ang balatian nga motungha? Aron pagpakita nga Siya usa ka mananambal. Ako nang gibati ang pagkarelihiyoso karon. Oo, sir. Oh, sus! Kana mao ang Iyang mga kinaiyahan.

<sup>75</sup> Mao kana kong nganong Siya nagatugot nga nagaabot ang kalisud. Mao kana kon nganong Siya nagatugot nga nagaabot ang kaguol, aron pagpakita nga Siya mao ang kalipay. Tinuod, mao kini. Mao kanay hinungdan ngano nga aduna kitay gabii, aron pagpamatuod nga adunay adlaw. Mao kanay hinungdan nganong aduna kitay kainit sa ulo, aron pagpakita nga adunay kalinaw. Tinuod, kini ang dapig ug supak. Oh, kahibulungan Siya.

<sup>76</sup> Karon, giunsa man niini pagsugod? Ato kining diretsohon, ingon sa pagdali kutob sa atong mahimo, aron dili ko kamo mahawiran tibuok gabii. Karon, aduna gayuy sinugdanan ang tanang mga butang.

<sup>77</sup> Ug gusto kong mangutana kaninyo sa usa ka butang. Karon kini tingale... Isulod lamang ninyo kini sa bulsa sa inyong saleko. Dili na kini kinahanglang iapil diha uban sa kasagarang potahe. Apan paminaw niini.

<sup>78</sup> Kon ikaw usa ka binuhat nga Walay Katapusan, nan wala ka gayuy sinugdanan, o dili gayud mahimong may katapusan. Kay, ang *Walay Katapusan* nagagikan kini sa pulong “Kinsa walay sinugdanan o walay katapusan.”

<sup>79</sup> Wala ba kamo mahinumdom niini? Ako nag-ingon, kaganinang buntag, nga giunsa nga si Melquisedec, sa dihang siya nagtagbo kang Abraham gikan sa pagpatay sa mga hari. Ug ang Biblia nag-ingon, sa Mga Hebreohanon 7, nga—nga, “Si Levi mihatag sa ikapulo ngadto kang Melquisedec, sa dihang didto pa siya sa bat-ang sa iyang Amahan nga si Abraham.” Si Abraham nanganak kang Isaac; si Isaac nanganak kang Jacob; si Jacob nanganak kang Levi. Mao kadto ang amahan, apuhan, ug ang apuhan sa tuhod. Ug samtang nga si Levi didto pa sa bat-ang sa iyang apuhan sa tuhod, ang Biblia nagahatag kaniya’g pasidungog alang sa paghatag ug ikapulo ngadto kang Melquisedec. Ang paghisgot bahin sa pagka Walay Katapusan! Oh, oh! Siya wala gayud miingon, “Iyang nabuhat kini diha sa landong; sa kalagmitan iyang nabuhat kini.” Ang Biblia nag-ingon, “Siya gayud nagbayad ug ikapulo.” Amen.

<sup>80</sup> Unya, kon kita nagagikan sa sakto nga binhi, sa dihang si Pablo nagwali sa Maayong Balita ako didto na ug kamo didto na. Paingon na ta dinha, sa makadiyot lang, nga deretso sa atong igdulungog. Matikdi, mao kana kon unsa ang ginaangkon sa Kasulatan, kanato, bisan gani sa una pa.

<sup>81</sup> Hunahunaa lang! Si Levi; dayon si Jacob, ang iyang amahan; dayon si Isaac, nga iyang amahan; dayon si Abraham, nga iyang amahan; ang iyang apuhan sa tuhod. Sa dihang si Levi didto pa sa bat-ang sa iyang apuhan sa tuhod, siya mihatag sa ikapulo ngadto kang Melquisedec.

<sup>82</sup> Gusto kong mangutana kaninyo. Kinsa man kini, Job 27. . . 38, sa dihang Siya miingon, “Diin ka man sa dihang gitukod Ko ang kalibutan? Sa nagakadungan pag-awit ang mga bitoon sa kabuntagon, ug ang mga anak sa Dios nagkaduyog sa pagsinggit sa kalipay?” Kinsa man kadtong mga anak sa Dios nga nagkaduyog pagsinggit sa kalipay? Si Jesus misulti ngadto kanila, nga, “Ako nagkalipay uban kaninyo sa wala pa ang pagkatukod sa kalibutan.” Kita dili mga binuhat nga sakop sa panahon. Kita mga binuhat nga sakop sa Eternidad.

<sup>83</sup> “Walay makahimo sa pag-ari Kanako, gawas lamang kon siya pagadanihon sa Akong Amahan. Ug ang tanan nga nagaari Kanako, hatagan Ko sila ug Kinabuhing Walay Katapusan, ug banhawon siya sa katapusang mga adlaw. Walay usa nga makaagaw kanila gikan sa kamot sa Akong Amahan, Kinsa naghatag kanila Kanako.” Unsaon man nimo pagkawala?

<sup>84</sup> Kita n’yo, kamo nalisang. Kamo nahadlok. Kamo magadagan libot dinhi. Ug mao kana ang usa sa pinakapasikaran, sa kalibutan, nga wala pa kamoy nadangtan. Tinuod kana. Unsaon man sa Dios pagkaluwas gayud kaninyo kon Siya. . .

<sup>85</sup> Pila man dinhi sa iglesia ang moisa sa inyong mga kamot, ug motoo nga ang Dios walay kinutuban? Nakahibalo ba mo kon

unsa ang kahulugan sa pulong nga *walay kinutuban*? Kana mao lang ang hingpit. Walay Kinutuban, dili mo—dili mo mapasabot ang pulong *walay kinutuban*.

<sup>86</sup> Nahimo na ba ninyong nadala ang inyong camera ug napahimutang kini diha sa walay kinutuban? Aba, kini nagapasabot lamang nga gikan diha niana. Tinuod. Wala nay lain pang paagi aron kini mapunting sa labaw pa.

<sup>87</sup> Bueno, mao kana kon unsa ang Dios. Siya walay kinutuban. Ug kon Siya walay kinutuban, walay ni usa ka bakukang, ni usa ka langaw, ni usa ka pulgas, ni usa ka kuto, ni usa ka bukuk, o ni bisan unsa nga dinhi na sa kalibutan, o kon motungha pa, kondili nahibaloan na sa Dios kini sa wala pa naporma ang kalibutan. Kana mao ang usa ka panghunahuna mahitungod sa walay kinutuban.

<sup>88</sup> Bueno, unya, ang walay kinutuban nga Dios nga Kinsa nagaluwas kaninyo dinhi, nga nahibalo nga Iya kang mawala sunod semana, o sunod bulan, o sunod tuig, aba, Iyang ginapakyas ang pinakamaong tumong. Dili ka Niya mawala. “Siya nga nagapatalinghug sa Akong mga Pulong, ug nagatoo Kaniya nga nagpadala Kanako, adunay Kinabuhing dayon ug dili na moabot sa Paghukom, apan nabalhin na siya gikan sa kamatayon ngadto sa Kinabuhi.” Dili na mahimo kini. Wala ka nay . . .

<sup>89</sup> “Siya nga natawo sa Dios dili na nagahimo’g pagpakasala; kay ang binhi sa Dios nagapabilin diha kaniya, ug siya dili makasala.” Unsaon man niya nga makasala kon adunay halad-tungod sa-sala alang kaniya?

<sup>90</sup> Unsaon man nga mahimong akong may balatian kon ako anaa sa hingpit nga panglawas? Unsaon man nga mahimo akong buta kon ako makakita? Oh, sus! Unsaon man nako nga mahimong anaa sa sulod gambalay ug sa gawas sa gambalay sa samang panahon? Unsaon man nako nga mahimong hubog ug pagka-dili hubog sa samang panahon? Dili mo kini mahimo.

<sup>91</sup> Ug kon ikaw luwas na, ikaw nailalum na sa Halad-pasighiuli, ug ang imong mga sala dili giisip diha kanimo. Dili ba nag-ingon si David, “Bulahan ang tawo kinsa ang Dios dili magaisip sa sala, ug magapahamtang ug sala ngadto”? Ang Dios dili nagaisip ug sala batok sa Iyang binuhat. Bug-at kana. Dili kana hinapawn’g gatas. Apan mao kana ang Biblia. Ang Dios dili mag-isip ug sala ngadto sa matarung.

<sup>92</sup> “Ang Dios,” pinaagi sa Iyang grasya, pinaagi sa pagpangbuut nang daan, “dili buot nga adunay usa nga mahanaw, apan ang tanan unta makakab-ot sa paghinulsol.” Apan ingon nga walay kinutuban, ug nahibalo na kon kinsa ang makakab-ot ug kinsa ang dili makakab-ot, Siya makapagpangbuut sa tanang butang aron pagpangbuhat sa Iyang kabubut-on. Kon dili Niya gibuhat kini, ngano man nga gitugotan Niya ang sala sa sugod

pa lang? Sa dihang Siya ang Manluluwas . . . Kon wala pa gayud makasasala, dili unta gayud Siya nahimong usa ka Manluluwas; ang kinaiyahan, kon unsa ang anaa Kaniya, dili mapagawas.

<sup>93</sup> Giunsa man Niya pagkahimong usa ka mananambal? Giunsa man gayud Niya pagkahimong usa ka mananambal? Tungod kay Iyang gitugotang moabot ang balatian, aron Iyang mapakita ang Iyang Kaugalingon nga usa ka mananambal. Siya usa ka mananambal. Unsaon man gayud nimo pag . . . Unsaon man gayud nga Siya maila? Unsaon man gayud sa Iyang kinaiyahan paglihok? Unsaon man Niya pagkahimo'g usa ka mananambal, kon walay gayuy balatian? Iyang kinahanglan matugotan ang balatian.

<sup>94</sup> Dili ikatingala, si Pablo nag-ingon, sa Roma 8. “Buangbuang nga tawo, kinsa ang makaingon sa—sa magkokolon kon unsaon ang pagbuhat mahitungod niini; kinsa, sa dihang ang lapok nga kolonon mibangon ug miingon, ‘Nganong naghimo, ikaw, kanako sa ingon niini?’ Dili ba Iyang gipatindog si Faraon sa samang katuyuan, aron nga Iyang mapakita ang Iyang himaya didto sa Egipto? Siya nagapatig-a sa kinsa man nga buot Niya, ug nagamatarung sa kinsa man nga buot Niya. Kini dili sa kabubut-on sa tawo, o kaniya nga nagapaningkamot, apan kini mao ang kaluoy sa Dios.”

<sup>95</sup> Busa, ikaw wala gayuy mahimo niini. Wala kay usa ka butang nga himoon. Kon kini grasya, kon kini usa ka walay bayad nga gasa, walay usa ka butang nga imong mahimo mahitungod niini. Ang Dios naghatag niini kanimo, ug mao na ang kabubut-on sa Dios. Mao kana ang butang nga gikabut-an nang daan sa Dios alang kanimo.

<sup>96</sup> Ang Biblia nagsulti nga kita “gikatakda nang daan nga himoon nga mga anak sa pagkasinagop, nga mga anak sa Dios, sa wala pa ang pagkatukod sa kalibutan.” Unya, sa dihang gipatay sa Dios ang Cordero, diha sa Iyang Kaugalingong panghunahuna, sa wala pa ang pagkatukod sa kalibutan, aron pagpamatuod sa Iyang mga kinaiyahan, kon unsa Siya; sa dihang ang Cordero gipatay, kita gipatay uban Niini. Sa dihang ang Dugo sa Cordero anaa na diha sa Iyang Kaugalingong hunahuna, balik didto sa wala pa ang pagkatukod sa kalibutan, ang ako ug inyo nga mga ngalan nahisulat na sa Basahon kaniadto, tanan diha sa Iyang gamhanang panghunahuna.

<sup>97</sup> Wala Siyay kinutuban. Kon Siya dili pa, ngano man nga Siya nagtugot niini? Kinsa man ang pinakalabing kusgan, (ako nang naingon,) ang Manluluwas o ang makasasala? Kinsa man ang dunay labing daku nga kusog? Mao nga, ang labing kusgan magatugot sa mas luya, ug Iya lamang ginahimo kini alang sa Iyang kahimayaan. Sa dihang gibuhat Niya si Lucifer, Siya nasayod nga siya mao ang mahimong yawa. Iyang kinahanglan pagatugotan kini didto aron pagpakita nga Siya mao ang



Manluluwas, ang Cristo. Iyang kinahanglan pagatugotan kini sa ingon.

<sup>98</sup> Karon, dili ba ang Biblia nagasulti, nga, “Ang tanang mga butang nagabuhat ug maayo uban kanila nga nahigugma sa Dios”? [Ang Kongregasyon nagaingon, “Amen.”—Ed.] Busa unsa man ang inyong gikahadlok?

Magmaabtikon kita,  
 Nga may kasingkasing sa bisan unsa mang  
 bugno.  
 Ayaw pahisama sa amang’g giguyod nga mga  
 baka, nga kinahanglan pang hangyoon ug  
 puyokon!  
 Ug magpakabayani!

<sup>99</sup> Akong nagustohan kana. Manindog ta! Usa ka gamay nga balak nga kanunay nakatabang kanako ug daku sa bata pa ko, nagahisgot ug sama niini.

Dihay usa ka halangdong Romano,  
 Kaniadtong mga adlaw sa Emperador sa mga  
 Romano;  
 Kinsa nadungog ang usa ka talawang  
 bagulbulan,  
 Sa atubangan sa kastilyo nga nagaingon:

“Oh, kini luwas diha sa nianang kahoy nga  
 haya,  
 Walay ni usa makatay-og niini.”  
 “Oh, dili,” nag-ingon ang bayani,  
 “Ako mangita ug paagi o buhaton kini.”

<sup>100</sup> Tan-awa. Sakto kana. Kon kining Biblia nagatudlo nga si Jesus Cristo mao sa gihapon kagahapon, karon, ug hangtud sa kahangturan. . . Dili kadto sayon sa dihang ako nigawas gikan niining tabernakulo niadtong adlawa, ug ang matag-usa nagaingon kanako *kini* mahitabo, ug *kana* mahitabo. “Ikaw pagailhon nga panatiko, mabalhug sa bilangguan, ug tanan nga pangmedisina nga kahugpungan mokontra kanimo.” Apan ang Dios nag-ingon buhaton kini. Ang Biblia nag-ingon nga mao kadto Siya. Ug karon ang kalayo sa rebaybal nagadilaab na sa matag nasud ilalum sa Langit. Ngano man? Pagbarug niini!

Giunsa nimo pag-atubang ang imong trabaho  
 matag-adlaw?  
 Nahadlok ka ba sa buluhaton nga imong hikitan?  
 Mabarugan mo ba ang buluhaton nga  
 giatubang?  
 Aduna ka na bay luya ug blangkong hunahuna?  
 (Wala ko nahimuot nianang butanga.)

O nagabarug ka ba gayud sa buluhaton sa  
 imong atubangan,  
 O ang kahadlok kanunay'ng gapaibabaw niini?  
 Kon mao, atubanga ang sunod nga imong  
 hikit-an,  
 Sa paghunahuna nga imong himoon kini.

<sup>101</sup> Pabilin diha niini. Tinuod. Himoa'g katuyuan sa inyong kasingkasing, sama kang Daniel. Pagpabilin sa Dios.

<sup>102</sup> “Diin man kining tanan nahitabo? Naunsa man kini pagkahitabo? Unsa may nakahimo sa mga tawo sa ingon? Ngano man nga kita ingon nga hapit nang giandam pagalumpagon? Igsoong Branham, hatagi ko ug katin-awan. Unsay nakapahimo kanimo sa paghunahuna nga kining tibuok butang kinahanglan pagapapason?” Gipapas na kini makausa sa una pa, (sakto ba kana?) sa unang lunup nga pagkagun-ob. Karon ania na ang halawum nga mga butang. Ug kita mangandam sa pagbasa.

<sup>103</sup> Karon gusto ko nga ablihan ninyo uban kanako karon, diha sa Basahon sa Genesis, sa ika-3 nga kapitulo. Kon gusto ninyo nga mahibalo ug bisan unsang butang, akong mapakita kaninyo dinhi sa Basahon sa Genesis diin ang matag kulto ug matag-ismo, ug tanan na nga may anaa ta karon, nagsugod sa Genesis. Pila man ang nakahibalo nga ang *Genesis* nagkahulugan “ang sinugdanan”? Tinuod.

<sup>104</sup> Atong makita ang Katolikong iglesia sa sinugdanan, ang Babilonia, si Nimrod ang magtutukod; atong makita kini sa tunga-tunga sa Biblia, atong makita kini sa katapusan sa Biblia; atong makita, nagapaninguha pagpasulod sa mga babaye nga magwawali, sa sinugdanan sa Biblia, pinaagi sa pagsimba sa mga gagmay nga larawan nga gihimo gikan sa mga gamut. Pila man ang nakabasa na sa kang Hislop, *Ang Duha ka Babilonia*, ang kasaysayan? Bueno. Hibaw-i, sa niining maong mga kasaysayan. Sila adunay usa ka babaye. . . Ug unya inyong hinumduman, bisan si Jacob nagkawat sa mga dios-dios sa iyang amahan, ug ang iyang anak nga babaye gitago sila sa ilalum niya ug gidala sila gawas didto sa kamingawan, nga nakapahugaw sa kampo, human niadto. Bueno.

<sup>105</sup> Atong basahon dinhi karon sa Genesis.

*Karon ang serpente malalangon labi pa kay sa ngatanan nga mga mananap sa kapatagan nga gibuhat sa GINOONG Dios. Ug nag-ingon siya sa babaye, Diay, nag-ingon ang Dios, Kamo dili makakaon sa tanan nga mga kahoy sa tanaman?*

*. . . ang babaye mitubag sa serpente, makakaon Kami sa bunga sa mga kahoy sa tanaman:*

*Apan sa bunga sa kahoy. . . anaa sa taliwala sa tanaman, miingon ang Dios, Kamo dili magkaon niana, bisan maghikap kamo niana, aron dili kamo mamatay.*

*Ug ang serpente miingon sa babaye, Kamo dili gayud mamatay:*

*Kay hingbaloan sa Dios nga sa adlaw nga kamo mokaon niini, mangabuka ang inyong mga mata, (kita n'yo, nagapangita ug bag-o nga Kahayag), ug mahimo kamo nga sama sa mga dios, nga manghibalo sa maayo ug sa dautan.*

<sup>106</sup> Tan-awa kon unsa kining mga tawhana karon, nagapaninguha ug pagtaktak gikan sa Biblia? “Ngano, dili ba kini ingon nga sayon ang pagbubo, o pagpisikpisik, o sa *niining* paagi, o *nianang* paagi?” Dili, sir. Ang Diyos nagpahaluna ug usa ka programa, ug mao kana dapat ang atong sundon, *Kini*.

*Ug sa nakita sa babaye nga ang kahoy maayo nga kanon, ug nga kini makalipay sa mata, ug ang kahoy nga makapahimo . . . takus tinguhaon aron makapahimong makinaadmanon sa tawo, mikuha siya sa mga bunga niini, ug mikaon, ug gihatagan usab niya ang iyang bana kauban niya; ug mikaon siya.*

*Ug nangabuka ang mga mata nilang duha, ug sila nanghibalo . . . sila mga hubo; ug sila nanagtahi sa mga dahon sa higuera, ug nanagbuhat ug mga tapis alang kanila.*

<sup>107</sup> Gusto ko nga mohunong dinhi sa makadiyot lang. Karon, kinahanglan aduna gayuy sinugdanan ang tanan. Kamo adunay sinugdanan. Karon kita . . . Dinhi mao kon diin gusto ko nga basihan ang maong tibuk butang, karon, atong gihisgotan na niining katapusang duha ka mga panagtigum, ug hangtud dinhi.

<sup>108</sup> Karon, kaganinang buntag atong gibalikan ug gidrama, diha sa Biblia, nga sa dihang ang Dios nagabuhat sa kalibutan, nga sa dihang Iyang ginaporma kadtong mga hangin; ug unya silang mga hangin nahimong calcium, ug potash, ug—ug nagkalain-lain nang mga butang. Iya nang ginabuhat ang inyong lawas. Iyang ginapahiluna ang gambalay, sama sa usa ka bantugang batid nga magtutukod, sama sa usa ka kontraktor nga nagapahaluna sa iyang kagamitan aron pagtukod sa usa ka pamalay nga proyekto. Iya nang ginabuhat ang inyong lawas, ug Iya kini ginapahaluna didto. Siya nahibalo sa husto gayud, diha sa Iyang hunahuna, kon unsa ang pagabuhaton.

<sup>109</sup> *Kining* kamot, ang Dios nagbuhat nianang kamot sa wala pa Siya . . . samtang Siya nagabuhat pa sa kalibutan; apan, ang akong espiritu Iya nang gibuhat sa wala pa ang kalibutan. Karon, apan kining kamot ug kini nga lawas, Iyang gibuhat sa dihang Iyang gibuhat ang kalibutan, kay kini nga lawas naggikan sa yuta, ug nagabalik ngadto sa yuta. Ang Diyos nagbuhat niana. Iya nang gipahaluna kini tanan diha sa Iyang daku nga plano ug Iyang programa.

<sup>110</sup> Karon, sa dihang Iya nang nabuhat ang kalibutan, Iyang gibuhat ang lalaki, ug ang lalaki dili ingon nga bug-os na gayud kon tan-awon. Karon aduna na tay niana, kaganinang buntag, nahi-drama na, kon giunsa nga ang—ang Amahan mikanaug ug ningsud-ong sa Iyang anak nga lalaki, nga gibuhat diha sa Iyang dagway, ug uban pa. Dayon Siya nagbuhat kaniya ug usa ka asawa, usa ka kaabag.

<sup>111</sup> Karon, hinumdumi, nga, tanang mga binuhat sa kalibutan, si Adan ang naghingalan kanila.

<sup>112</sup> Siya naghingalan sa—sa kabakahan, ug sa mga mananap, ug sa tanan. Ug karong panahona, kita . . . Ang mga Kronolohiyista ug—ug ang nagkalainlaing bantugan nga mga hunahuna sa siyensya, sukad pa nagapaninguha, sa unom na ka libo ka tuig, aron pagpangita nianang nawala nga kadugtong, ngano nga kanang mananap . . . Ang tawo usa ka kinabuhi nga mananap. Kita nasayod niana, nga kita gibuhat sa . . .

<sup>113</sup> Ug ang babaye kabahin lamang sa lalaki, usa ka kun abut. Ang babaye wala sa orihinal nga kabuhatan. Ang Dios nakahunong na sa pagpamuhat, sa mga katuigan ug mga katuigan ug mga katuigan na, hangtud nga Iyang gibuhat ang babaye gikan sa usa ka gusok sa iyang kilid. Nahinganlan na ni Adan ang tanan nga kabuhatan, ang tanan pang uban, apan sa iya walay alang kaniya. Busa, Siya nagbuhat alang kaniya ug usa ka kaabag; nagkuha ug usa ka gusok gikan sa iyang kilid, gitakpan ang samad, ug gibuhat ang kaabag alang kaniya. Ug ang tawo, diha sa iyang espiritu, duruha lalaki ug babaye.

<sup>114</sup> Ug ang babaye kabahin lamang sa usa ka lalaki. Ug sa dihang ang lalaki nagakuha alang kaniya ug usa ka asawa, ug kon siya mao man gayud ang iyang asawa, ang hinatag sa Dios nga asawa, siya mahimo lamang alang kaniya ingon nga kabahin niya.

<sup>115</sup> Mao kana ang hinungdan nga kamo adunay mga pagduhaduha sa kaminyuon, mao tungod kay kamo nagagawas man ug nagapakigkita sa babaye nga adunay matahom nga may kapihong mga mata o asul nga mga mata, o mga butang nga ingon niana, ug usa nga may matahom nga pigura, ug kamo mahulog ngadto kaniya. Sa unang higayon nga aduna na siyay unang anak, silang mga ngipon nangahingo na, ug siya nagapangunot na ug nagakatigulang, ug unya gusto na nimo siya palayason. Ug ang uban kaninyong mga babaye nagapangita ug ubang batan-ong lalaki nga ang iyang buhok nagsinaw paubos, ug nga ang manteka sa iyang mama giyabo na ang katunga diha niini, ug kulongon. Ug kini'g tanan mangalarag; nahibalo ko niana pinaagi sa kasinatian. Apan unsa ang nagakahitabo? Unsa man kini? Kamo nagakahulog niana.

<sup>116</sup> Ikaw kinahanglan mag-ampo, una, kay ang babaye kabahin nimo. Ug kon imo nang nagakos ang babaye diha sa imong

dughan, ug gikuha na siya aron imong asawa, ug ikaw. . . Siya nahipatik na kanimo. Atong isulti kini sa ingon niini aron inyong masabtan. Ug bisan kinsang ubang babaye ngadto nianang dughan dili mosibo nianang patika. Ug himoon kini sa Dios nga imong tulubagon. Ug imo lamang timan-an kana.

117 Ikaw nga nagakuyog-kuyog sa gawas sa asawa sa uban ug. . . Ako nakadungog karong adlaw mahitungod sa usa ka batan-ong babaye dinhi sa lungsod, usa ka makaluluoy nga binuhat. Nakaila ko kaniya. Ug kon kinsa nga sugarol nagpamalit kaniya ug mamahalong maanindot nga mga bisti, ug mga butang, ug nagapaninguha pakigdula kaniya sa ingon niana. Usa ka ilaga, ang mobuhat sa butang ingon niana, dili gani matawag nga tawo.

118 Nahibalo kamo, ang iro dili ingon niana ka bastos, ug gani kamo nagatawag sa inahan nga iro nga “ulagan.” Mas aduna pa siyay maayong pamatasan kay sa katunga sa mga kababayan-an nga anaa ang Jeffersonville. Ug kamo nagatawag sa usa ka tigulang nga anayan nga baboy nga usa ka “pahabalanan,” ug siya dili. . . Siya labi pang mas may pamatasan kay sa mga kababayan-an niining Estados Unidos, daghan kanila. Tinuod gayud kana. Karon, nahibalo ako nga kana direktsohan. Ug ako nag-ingon kaninyo nga ako kining ipasabot ug ayo, ug gusto ko nga masayod kamo niini. Ug kana matuod. Silang tanan, ang kababayan-an karong mga panahona, wala na gani kahibalo kon unsa na ang ensaktong pamatasan. Moingon, “Ayaw pasakiti ang akong konsensya.” Bueno, wala ka man bisan niana. Timan-i. Oo, sir. Sa dihang, kamo nahibalo na kon unsay sakto ug sayop.

119 Karon timan-i. Kining tawo, sa dihang siya gibuhat, gibulag sa Dios ang iyang espiritu. Ug siya nagkuha ug usa ka bahin gikan sa tawo, sa iyang kilid, ug nagbuhat ug babaye gikan niini. Ug dayon Iyang gikuha ang bayenhon, maanyag nga espiritu sa tawo, ug nagbuhat ug babaye gikan niini. Ug Siya nagbuhat sa lalaki, lakin-on, kusanon.

120 Ug sa dihang imong makita ang—ang—ang lalaki nga may gamay’ng. . . Nahibalo na kamo, nangarte sa kuko, o kon unsa man ang inyong tawag niini, sa iyang mga kuko; ug, nahibalo na kamo, upat sa usa ka kilid ug lima sa usa, ug—ug nga pinasinaw ang iyang buhok paubos; ug ipabiling abli ang iyang baba diha sa atubangan, ug mga butang nga ingon niana; usa niining mga maanyag nga mga lalaki. Hinumdumi lamang, igsoong babaye, adunay usa ka butang nga dili maayo uban nianang langgama. Adunay usa ka butang nga dili maayo. Mas maayong pagbantay ka kaniya.

121 Ug sa dihang imong makita ang usa ka babaye nga anaay sigarilyo diha sa kilid sa iyang baba, nagsul-ob ug usa ka paris nga ober-ol diha, ug nagaingon, “Sultihan ko ikaw, kauban, kon

unsa kini!” Igsoong lalaki, bantayi kanang bayhana. Adunay usa ka butang nga dili maayo kaniya.

<sup>122</sup> Ang babaye, kinahanglan mahimong usa ka babaye, ug siya kinahanglan nga magbisti ug sama sa usa ka babaye. Sa dihang ang Dios nagbuhat sa lalaki, Siya nagbuhat kaniya nga usa ka butang; ug Siya nagbuhat sa babaye nga lain pang usa ka butang. Ug sa dihang ang Diyos nagabisti sa lalaki, Siya nagbisti kaniya sa usa ka paagi, ug ang babaye sa lahi pud nga paagi. Ug ang Biblia nag-ingon, “Kini dulumtanan alang sa usa ka babaye ang pagsul-ob sa bisti nga iya sa lalaki.”

<sup>123</sup> Ug kamong mga babaye, nagasul-ob niining gagmay’ng karaang pantalon ug mga butang, ug ginasul-ob sila panggawas dinhi, gagmay’ng karaang... Unsa bay tawag ninyo niini, knickerbocker? Unsa bay ilang...? Oh, unsa ba kaha kanang butanga nga ilang...? Dili, dili, kini dili purol, kini katong lain pa, katong mas taas-taas pa niini. [Ang kongregasyon nagaingon, “Mga Pedal pusher.”—Ed.] Mga pedal pusher, ug mga ober-ol, mga dungaree.

Pasulod ka, moingon, “Kini maoy para sa mga babayeng maugdang.”

<sup>124</sup> Ako miingon, “Dili, nasayop ka. Ang mga babayeng maugdang dili nagasul-ob niining mga butanga. Ang mga babaye tingale, apan ang mga babayeng maugdang dili.” Tinuod kana.

<sup>125</sup> Ang Biblia nag-ingon, “Kini usa ka dulumtanan alang sa usa ka babaye ang pagsul-ob ug bisti... ug alang sa usa ka lalaki ang pagsul-ob ug bisti nga iya sa babaye.”

<sup>126</sup> Ug ang lalaki nagka-anam pa ka babayenhon, matag adlaw, ug ang mga babaye nagka-anam pud ka lalakinhon. Unsa bay nahitabo? Atong mahibaw-an sa diyutay’ng mga gutlo, pinaagi sa Biblia. Ang mga babaye dili na hinuon babaye. Ako wala nagpasabot kamong mga Cristohanon nga mga babaye. Ako nagahisgot mahitungod sa kinatibuk-an nga dagan. Sila gusto nga molihok sama sa lalaki; gusto nga magapaputol sa ilang mga buhok sama sa mga lalaki; magabutang sa ilang mga kamot sa taas sa tagayanan, sama *niana*, ug moawit *God bless America*, nga may sigarilyo diha sa kilid sa ilang baba.

<sup>127</sup> Moadto sa kalsada, didto sa gawas sama niana, ug didto gayud sa dakung kalsada. Among giihap... Naa koy gustong isulti kaninyo. Ug kamong mga babaye nga drayber, paminaw. Si Billy Paul ug ako, niining ulahing kampanya libot sa nasud, unom ka bulan, akong gitiman-an kon pila ang nagpangduhaduha sa dalan. Ug sa tulo ka gatus ka mga aksidente, diha sa dalan, tagnaa kon pila kanila ang mga babaye nga mga drayber? Aduna lamay kulang... Napulo’g siyam kanila mga lalaki. Ug duha ka gatus kawalo-an o, mao kadto akong pagtoo, duha ka gatus ug kawalo-an ug usa niadto

mao ang mga babaye nga mga drayber. Mga babaye nga mga drayber! Karon, ako wala nagaingon nga wala nay maayong mga babaye nga mga drayber. Apan siya moliso bisan asa.

<sup>128</sup> Ug sulayi lamang nga balikan siya? Ibutang ta nga siya ingon maayong tan-awon, nagatindog didto, ginapatalidhay ang iyang buhok sa dihang ang pulis nagapaingon na. “Aba,” siya moingon, “tinuod, anaa ka sa sayop!” Wala kitay balaod.

<sup>129</sup> Ilang napamatud-an kana niadtong usa ka adlaw didto sa hisgutanan sa buhis nga akong bag-o lang nasinatian. Kita walay mga balaod. Kon aduna man . . .

<sup>130</sup> Dili ikahibulong nga kadtong dagkong mga halangdon sa Englatera nag-ingon, “Ang demokrasya puro na lang paglawig ug wala nay pag-angkla.” Tinuod kana, motindog diha sa entablado, nagapangampanya. Ang demokrasya dubok na, ug mao sad ang mga diktador ug tanan nga uban pa niini. Ang tibuok butang nadaut na. Wala na kondili usa na lamang ka butang ang pagabuhaton sa Dios, mao ang paggun-ob sa tibuok butang, sama sa Iyang giingong pagabuhaton, ug magsugod ug bag-o. Karon bantayi kon unsa ka na kaduol sa Pag-abot.

<sup>131</sup> Karon sa dihang kining babaye . . . Nagbuhat Siya alang sa lalaki ug usa ka kaabag, ug siya mao ang mamahimo niyang kaabag. Ug unya . . .

<sup>132</sup> Karon, dinhi, wala pa gayud akoy magwawali nga napauyon niini. Ug ilang ginasulayan nga himoon kini sa ubang pamaagi, apan sa gihapon wala kini kahulugan alang kanako. Sila nagapaninguha pagsulti nga si Adan ug Eba mikaon ug pipila ka mansanas. Igsoon, kon . . . dili ko kini ginasulti karon ingon nga kataw-anan, apan gusto kong isulti kini. Tungod kay, kon ang pagkaon sa mansanas ang makapahibalo sa mga babaye nga sila hubo, maayo pa nga manghatag ta ug mga mansanas pag-usab. Ug kamo nahibalo nga husto kana.

<sup>133</sup> Nahibalo kamo, ang pagkaon sa mansanas, dili kana mao ang ilang gibuhay, nga nakapahibalo kanila nga sila mga hubo. Sa pagkatinuod, dili kadto. Kini kinahanglan modangat sa pakighilawas. Kini kinahanglan mahitabu gayud nga ingon, tungod kay ilang nahibaloan nga sila mga hubo sa dihang sila niambit niining ginadili nga bunga. Dili ba ang babaye kahoy man nga nagapamunga? Dili ba kamo man ang bunga sa inyong inahan? Mao kana ang bunga nga ginadili nga pagakaunon.

<sup>134</sup> Karon ania ang daku nga butang. Karon ang labing duol nga nahibaloan sa siyensya sukad kon unsa ang tawo maoy . . . Sila nagakubkob ug karaang mga bukog, sila nagapanguha ug mga posil, ug sila nagapanguha ug mga bagol-bagol, ug sila nagapanguha ug mga kalabera, ug mga kamot, ug mga bukog, ug nagapaninguhang himoon kining tan-awon sama sa tawo. Ug sila nahibalo nga ang labing duol nga butang nga ilang nadangat sa pagpangita sa tawo, sunod niini, mao ang chimpanzee. Siya

mao ang labing duol nga matang sa tawo; apan sa gihapon wala ra kini sa tawo, ang labing hataas.

<sup>135</sup> Ang labing ubos nga porma sa kinabuhi nga anaa mao ang baki; ang labing hataas nga porma mao ang tawo. Ang Dios nagsugod sa ubos ug naghimo pahitaas, hangtud nga gipaabot Niya kini gayud sa Iyang dagway. Gidala kini sa mga kalanggaman ug sa mga mananap, ug pahitaas, hangtud Siya ning-abot sa dagway sa Dios. Iyang gibuhat ang tawo sa nianang dagway. Mao kana ang pinakataas nga porma. Ang labing ubos nga porma mao lamang ang pitopito nga nahimong usa ka baki, ug uban pa.

<sup>136</sup> Karon, kining nawala nga kadugtong, nga dili nila makit-an. Tan-awa ang Kasulatan karon. Kamo, kamo dili mouyon niini, daghan kaninyo, apan gusto ko. . .Gusto ko lamang timan-an ninyo kini sa hunahuna. Ug ayaw pagmapihigon batok niini. Paminaw.

<sup>137</sup> Nahibalo ako nga daghan kaninyo mao pa lamay pagkapaminaw kang Dr. DeHaan. Akong sa pagkatinuod. . . Ingon nga usa ka tawo sa iyang kalidad, ug usa ka maayong Baptist nga igsoon, ug ako sa tinuod nagtamud kaniya. Aduna siyay daghang kahibalo ug utokan, ug—ug nahikalimot sa mas daghan kay sa akong nahibaloan; tungod kay siya usa ka Doktor sa—sa Divinidad, ug siya usa ka doktor sa medisina, ug siya usa ka Doktor sa Siyensya. Siyay usa ka maantigo nga tawo. Apan siya nagasulti nga kadtong. . .Sa dihang ang mga anak nga lalaki sa Dios nakita ang mga anak nga babaye sa tawo nga maanyag; siya midapig sa kang Josephus nga baruganan, ug nagaingon nga “sila—sila ningsulod sa ilang kaugalingon ngadto sa tawhanon nga lawas,” ug nagkuha alang kanila ug mga asawa. Ug kaniadto dunay mga higante sa yuta sa Nod. “Ug sila nanagkuha sa ilang kaugalingon ug mga asawa ug ningpuyo uban kanila, sa dihang ang mga anak nga lalaki sa Dios, mga nangahulog nga Manolonda, nanagkuha ug nakita ang mga anak nga babaye sa mga tawo; ug ang lawasonon nga pangibog maoy usa ka dakung butang, ug gani sila ingon nga mga makasasala na gikan sa pagkahulog, sila ningsulod sa ilang kaugalingon ngadto sa tawhanon nga lawas.”

<sup>138</sup> Kon ila man kana ginabuhat, ilang ginadaut ang Langitnong pagpangayo, ilang ginadaut ang uban pang butang. Kon ang yawa makamugna, siya tupong na sa Dios. Ang yawa dili makamugna. Gusto ko nga inyong ipakita kanako ang usa ka dapit diin ang yawa makamugna. Dili siya makamugna. Iya lamang matuis ang bisan unsa nga namugna na. Siya dili magbubuhat. Siya magtutuis lamang.

<sup>139</sup> Bueno, unya, unsay nahitabo? Matikdi. Ania ang akong saysay. Ania ang nawalang kadugtong.



<sup>140</sup> Karon aduna kanila ang chimpanzee, apan dili ka makapasanay sa usa ka chimpanzee uban sa usa ka tawong babaye ug magpaanak. Dili ka makapasanay sa usa ka tawo uban sa bisan unsa nga mananap. Dili kini magakasagol. Dili ka makapatughong ug dugo, bisan unsa nga mananap.

<sup>141</sup> Sa dihang didto ako sa Africa, ilang gitrato kadtong mga luoy nga mga itum nga tawo didto sa ingon nga pamaagi; dihay usa ka tawo nagsulti kanako, miingon, “Sila walay bili kundi mga mananap.”

<sup>142</sup> Ako moingon, “Pasayloa ako. Sila sama usab ug tawo sama kanimo, tingale mas labaw pa gamay.” Sultihan ko kamo, sa dihang kamo aduna nay nianang kinaiya, kamo nagabalik ngadto sa pagkamananap. Ako miingon, “Kana nga tawo, kon siya sama man ka itum sa alas nga espada, o kon siya sama man ka dalag sa kalabasa, o kon siya sama man ka asul sa anyil, mahimo niyang maluwas ang imong kinabuhi pinaagi sa paghatag kanimo ug usa ka paghulad ug dugo. Apan ayaw gayud paghulad ug dugo sa mananap sulod nimo.” Tinuod, siya usa ka tawo.

<sup>143</sup> Tungod lamang kay ang usa ka panit itum, ug ang usa pa kapihon, ug ang usa pa dalag, ug ang usa pa puti, kana walay kalambigitan niini. Ang Biblia nagsulti, “Ang Dios sa usa ka dugo naghimo sa tanang tawo.” Ug kana husto gayud. Ang mga lugar nga atong gipuy-an, nagausab sa atong mga pamanit, walay kalambigitan niini. Gibuhat sa Dios pinaagi sa usa—usa ka tawo ang tanang nasud, usa ka dugo, tanang mga nasud pare-pareho.

<sup>144</sup> Ang mga Intsik; ang itum nga tawo dili maka-ingon gayud, ang itum nga tawo dili maka-ingon gayud, nga, “Kanang tawong Intsik, siya—siyay dalag, ako walay kalambigitan kaniya.” Siyay imong igsoon. Ug kamong puti nga tawo dili maka-ingon sa dalag nga tawo o sa itum nga tawo, hain man sa usa, “Ako walay kalambigitan kanimo.” Siyay imong igsoon. Tinuod gayud.

<sup>145</sup> Matikdi karon, ania kon unsa ang nahitabo. Ako nagatoo, ug mapamatud-an kini pinaagi sa Biblia, nga ang serpente mao ang nagbuhat niini. Ang serpente mao kanang nawalang persona tali sa chimpanzee ug sa tawo. Tungod kay, paminaw, matikdi kini karon, nga ang serpente dili kaniadto usa ka nagkamang nga mananap. Siya labi ka “malalangon” kaysa tanan nga mga mananap sa patag.

<sup>146</sup> Karon, ako niadto ug nikuha ug mga diksyunaryo, karong adlaw, gikan bisan asa, aron pagpangita niini nga pulong, kon unsa ang buot ipasabot sa pulong nga *malalangon*. Kini nagkahulugan nga “mamalisto, malimbungon,” ug, ang labing maayo nga hubad sa—sa Hebreohanon (gikan sa m-a-h-a-h, mahah) nagakahulugan nga “Adunay timod nga kahibalo sa mga prinsipyo sa kinabuhi.”

<sup>147</sup> Karon atong tan-awon kini sa usa ka gutlo lamang. Siya listo, malimbungon, ngani siya gitawag nga “serpente.” Apan, hinumdumi, siya ang labi ka listong butang kaniadto, ug ang labi ka susama sa tawo kaysa uban nga butang nga atua sa patag; ang pinakaduol sa tawo. Siya dili kaniadto usa ka nagkamang nga mananap. Ang tunglo mao ang naghimo kaniya nga usa ka nagkamang nga mananap. Ug siya mao ang . . . Ang Biblia nag-ingon nga siya mao kaniadto ang labing nindot sa tanan.

<sup>148</sup> Ug bisan ang tunglo wala nakapatangtang sa tanan niyang kanindot; ngani ang madalaygong pamanit sa bitin maanindot, ug ang iyang pagkamadanihon ug ang iyang kamaliputon. Bisan ang tunglo wala nakapawagtang niini. Apan, inyong mahinumduman, ang Dios nag-ingon kaniya nga ang iyang mga tiil mangahanaw ug siya mokamang sa iyang tiyan. Ug dili ka makakita ug usa ka bukog sa bitin nga susamang tan-awon sa tawo, ug mao kana ang hinungdan nga ang siyensya nawala. Apan anaa siya.

<sup>149</sup> Ang Dios nagtago niini gikan sa makinaadmanon ug sa masinabuton, ug nagsaad sa pagpadayag niini ngadto sa mga anak sa Dios, sa katapusang mga adlaw sa dihang ang mga anak sa Dios mapadayag na, sa dihang, “Ang mga anak sa Dios nga nanagkalipay bisan sa wala pa ang pagkatukod sa kalibutan.” Sa dihang ang daku nga pinadayag sa Pagka-Dios ug ang mga butang ipadala sa katapusang mga adlaw, Siya magpadayag niining mga butanga pinaagi sa mga anak sa Dios. Kamo nasayod nga ang Kasulatan nagatudlo niana. Ug ania kita. Mao kana ang hinungdan nga ang Dios nagaabli niining mga butanga kanato. Ang Dios nagadala sa Iyang mga anak ngadto sa pagkapinadayag. Siya nagapaingon ngadto sa mas taas pa sa bisan unsang tawhanong panabut, ngadto sa espirituhanon nga mga pagpadayag, ug padayon kining dalhon. Wala ba kita nagapanudlo, diha niining Biblia, “Ania ang alang kaniya nga adunay kaalam”? Dili ang unsa man nga iyang nahikat-onan sa seminaryo; kundi sa iyang nahikat-onan sa pagluhod sa atubangan sa Dios, ug kon unsa man ang nahimut-an sa Dios nga ikahatag kaniya. Mga anak sa Dios, nga gipadayag!

<sup>150</sup> Ania ang serpente, karon ania kon unsa kaniadto ang serpente; akong ihatag kaninyo ang akong paghulagway kaniya.

<sup>151</sup> Kita adunay . . . kita magsugod sa ubos, gikan sa baki, ngadto nianang pitopito, ug padayon ngadto ug padayon, ug *paingon-ug-paingon*, hangtud sa katapusan ning-abot kamo sa unggoy, ngadto sa chimpanzee. Ug gikan sa chimpanzee, karon kita molukso gikan sa chimpanzee ngadto sa tawo, ug kita nahibulong ngano.

<sup>152</sup> “Bueno,” ang siyensya nagaingon, “Karon paghulat! Among mapasanay ang babaye ngadto sa unggoy ug ngadto sa chimpanzee, ug dayon balihon, ang usa ka tawo ipasanay ngadto

sa chimpanzee.” Kini dili mahimo. Ipananay kini sa lain pang mananap; kini dili mahimo. Ang dugo dili mosagol; kuhaa ang imong dugo, kini sa hingpit lahi nga dugo, sa hingpit.

<sup>153</sup> Adunay usa ka dugo tali dinhi, ug dili nila makita ang mananap. Oh, hallelujah, ako nanag-anam pagbati ug pagkarelihiyoso karon. Matikdi. Ngano man? Ang Dios nagtago niini gikan kanila. Walay bukog diha sa bitin nga susama tanawon ug bukog sa tawo. Iyang gipahiluna ang maong butang nga layo kaayo nga kini dili na makaplagan sa maantigo nga mga tawo.

<sup>154</sup> Ug akong ipakita kaninyo kon diin kanang maantigo nga tawo nagagikan, kon diin—kon diin siya, bisan unsa pa. Kita n’yo, siya dili mahimong magagikan niana.

<sup>155</sup> Kini kinahanglan magaabot pinaagi sa pagpadayag, “Ikaw mao ang Cristo, ang Anak sa...” “Ibabaw niining bato pagatukuron Ko ang Akong Iglesia; ug mga ganghaan sa hades dili makabuntog batok niini,” espirituhanon nga pagpadayag. Giunsa man—giunsa man ni Abel pagkahibalo sa paghalad ug kordero, imbis kang Cain nga naghalad ug mga bunga sa uma? Kini sa espirituhanong gipadayag ngadto kaniya. Dili nimo kini makuha pinaagi sa mga seminaryo. Dili nimo kini makuha pinaagi sa mga denominasyon. Makuha nimo kini gikan sa Langit.

<sup>156</sup> Karon tan-awa ang serpente, kadtong serpente nga una. Ato siyang ihulagway karon. Siya usa ka hataas daku nga lalaki. Siya anaa sa tunga-tunga sa chimpanzee ug sa tawo. Ug, ang serpente; ang yawa, si Lucifer, nahibalo nga kadto mao lamang ang dugo nga mosagol uban niining dugo sa tawo, ang mao lamang nga persona nga iyang magamit. Dili niya magamit ang chimpanzee, kana nga dugo dili mosagol. Dili siya makagamit sa ubang laing mga butang. Dili siya makagamit sa karnero. Dili siya makagamit sa kabayo. Dili siya makagamit sa bisan unsa pang ubang mananap; kinahanglan niyang gamiton kining serpente.

<sup>157</sup> Kuhaon nato siya karon ug nga makita kon unsa siya sama tan-awon. Siya usa ka hataas daku nga lalaki, una pa sa kasaysayan nga higanti. Mao kana diin ilang nakita kadtong dagko nga mga bukog, ug ipakita ko kini kaninyo sa Biblia. Karon tan-awa ug maayo. Bueno. Kining hataas daku nga lalaki, ingnon ta siya—siya napulo ka tiil ang gitason, hataas daku nga mga abaga; susama gayud tan-awon sa tawo. Ug ang iyang dugo; human sa pagkanaug, sa pagtakdo sa usa ka mananap ngadto sa laing usa. Mahimo nimo ang pagpaliwat sa mga mananap. Ug kini nagpadayon ug kuha sa mas taas nga matang sa dugo, mas taas nga porma sa kinabuhi, mas taas nga porma, hangtud nga kini nagapataas ngadto sa tawo nga kahimtang. Apan ang katapusan nga dugtong dinhi, tali dinhi, giputol. Pila

man ang nahibalo nga ang siyensya dili na makita ang nawala nga kadugtong? Kamong tanan nahibalo niana. Ngano man? Ania siya, ang serpente. Atua siya kaniadto, ang hataas daku nga lalaki.

Ug ang yawa nagapanaug, karon, siya nagaingon, “Mamahimo ko ang pagpadasig.”

<sup>158</sup> Karon sa dihang ikaw moadto pagtan-aw ug mga babaye, ug sa lihok sa mga babaye, hinumdumi, kamo gidihugan sa yawa, (ug kini dili mao ang imong asawa).

<sup>159</sup> Matikdi, karon, ang yawa mikanaug ug ningsulod sa serpente. Ug iyang nakita si Eba sa tanaman sa Eden, hubo, ug siya naghisgot mahitungod sa bunga didto sa taliwala. Ang *taliwala* nagkahulugan ug “tunga,” ug uban pa; kamo nakasabot, sa sagol nga kongregasyon. Ug siya miingon, “Karon, kini makapahimuot. Kini makalipay sa mga mata.” Unsa man ang iyang gibuhat? Siya nagsugod ug pagpakighilawas ngadto kang Eba, ug siya nagpuyo uban kaniya, ingon nga bana.

<sup>160</sup> Ug iyang nakita kini nga makapahimuot, mao nga ning-adto siya ug giingnan ang iyang bana, apan siya buros na sa kang Satanas.

<sup>161</sup> Ug siya nanganak sa iyang unang anak nga lalaki, kinsa’ng ngalan mao si Cain, ang anak ni Satanas.

“Karon,” moingon kamo, “sayop kana.”

<sup>162</sup> Bueno, atong tan-awon kon kini sayop ba o dili. “Ug ibutang Ko ang panagkaaway tali sa imong Binhi ug sa binhi sa serpente.” Unsa? Ang binhi sa serpente! Ang babaye adunay Binhi, ug siya adunay binhi. “Ug Siya magadugmok sa imong ulo, ug ikaw magasamad sa Iyang tikod.” Ug ang *pagdugmok*, diha, nagkahulugan “Ang paghimo ug Panghimayad.” Karon anaa nay imong “binhi” sa serpente.

Karon, matikdi, ania na nagatungha ang duruha ka tawo.

<sup>163</sup> Karon, kining serpente, sa dihang siya nagtindog didto, kining hataas daku nga higanting lalaki nagtindog didto, siya sad-an sa pagbuhat ug pagpanapaw uban sa asawa ni Adan. Asa man ang sala nagapahiluna karong panahon? Unsay nakapahimo sa mga butang nga naingon niining karong panahona? Karon, ako—ako... Sigurado’g makuha ninyo ang mahitungod sa kon unsa ang akong ginahisgutan. Ug atua kini kaniadto.

Ug sa dihang iyang gibuhat, ang Dios nag-ingon, nagsugod na pagtawag kang Eba ug Adan.

Ug siya miingon, “Ako hubo.”

Ug Siya miingon, “Kinsa ang nagsulti kanimo nga ikaw hubo?”

164 Dayon sila nagsugod sa, sa urog sa sundalo, nagapasa-pasa sa kaakuhan. Miingon, “Ah, ang babaye nga Imong gihatag kanako, ang nagbuhat niini. Siya mao ang nag-abni kanako.”

165 Ug siya miingon, “Ang serpente naghatag kanako ug mansanas”? Bueno, magwawali, pagbalik sa imong ensaktong hunahuna.

166 Miingon siya, “Ang serpente naglimbong kanako.” Nahibalo ba kamo kon unsa ang kahulugan sa *limbong*? Nagkahulugan ug “gihugawan.” Ingon nga nahitabo kaniya. Ang yawa wala gayud naghatag kaniya ug mansanas. “Ang serpente naglimbong kanako.”

Ug dayon ang tunglo ning-abot.

167 Miingon Siya, “Tungod kay ikaw nagpatalinghug sa serpente imbis sa imong bana, imong gikuha ang Kinabuhi gikan sa kalibutan. Ug ikaw maga—magapadaghan sa imong mga kasakit; ug ang imong pagpanamkon mao ang alang sa imong bana,” ug uban pa.

168 “Ug tungod kay ikaw nagpatalinghug man sa imong asawa, imbis kay Kanako (gikuha Ko ikaw gikan sa abog; ang labing taas nga kaliwatan), sa abog ikaw magabalik.”

169 “Ug, serpente, tungod kay ikaw nagbuhat niana, mahanaw ang imong tiil. Sa imong tiyan ikaw magakamang, sa tanan nga mga adlaw sa imong kinabuhi. Ug ikaw kasilagan. Ug ang abog mao ang imong pagakan-on.” Tan-awa. Ania na ang kanang nawala nga kadugtong.

170 Karon ania na si Cain. Atong tan-awon ang mga kinaiyahan. Ania na si Cain. Unsa man siya? Siya usa ka maliputon nga negosyante. Siya nagatikad sa umahan. Maalisto, utokan; relihiyoso, rehiliyoso kaayo; tan-awa ang iyang—tan-awa ang iyang mga kinaiyahan karon. Padayon lamang nga mag-uban kanako sa makadiyot pa nga mga gutlo.

171 Dinhi ania na siya. Siya nahibalo nga siya may pamatasan. Gusto siyang moadto sa simbahan. Nagatukod siya sa iyang simbahan, nagabuhat ug iyang halad. Nagadala ug halaran, ug tanan na. Nagtukod ug halaran, gibutang ang iyang mga bulak diha niini. Gibutang ang uma, ang mga bunga sa uma, gihalad kini ngadto sa Dios. Miingon, “Ania na, Ginoo. Nahibalo ako nga kami nagkaon ug mga mansanas, mao kana ang hinungdan niini.” Ang uban niyang mga kamatang aduna puy samang panghunahuna. Nagapakita kon diin kini gikan. Gipasulod na ang iyang mansanas, gikan sa uma, gipahiluna kini didto, miingon, “Kini ang mohimo ug usa ka pagpanghimayad.”

Ang Dios miingon, “Kini dili ang mga mansanas.”

172 Apan, pinaagi sa espirituhanon nga pagpadayag, si Abel nahibalo nga kadto dugo. Mao nga siya nagdala ug usa ka kordero, naggulgol sa iyang tutunlan, ug kini namatay.

173 Ug ang Dios miingon, “Tinuod kana. Mao kana ang nakapabuhat niini. Kato mao ang dugo.” Nasayod kamo kon unsa nga dugo ang akong ginahisgutan. Bueno. “Ang dugo mao ang nakapabuhat niini.”

174 Karon tan-awa. Ug unya sa dihang si Cain nakita ang iyang holy roller nga igsoon nga gidawat na sa atubangan sa Dios, ug ang mga timailhan ug mga katingalahan nagakahitabo didto, siya nagsilos kaniya. Siya miingon, “Ato nang hunongon kining butanga karon.” Tan-awa ang iyang mga kaigsoonan, tan-awa ang iyang mga kaanakan, hangtud karon. “Karon, ako may mas maantigo kaniya,” siya nasuko. Diin man ang *pagkasuko* gikan? Maka-ingon ba kamo nga ang kasuko...? Iyang gipatay ang iyang igsoon. Siya usa ka mamumuno.

175 Matawag ba ninyo ang Dios nga mamumuno? Ug si Adan mao ang anak sa Dios. Ang Biblia nag-ingon, nga, “Si Adan mao ang anak sa Dios,” katong putli nga sinugdan niadto. Si Adan anak sa Dios. Ug kanang pagsilos ug kasina, ug tanan na, dili mamahimong magagikan nianang putling agay.

176 Kini magagikan gayud sa laing dapit. [Blangko nga bahin sa teyp—Ed.] Ug kini nagagikan kang Satanas, kinsa usa ka mamumuno, sa sinugdan pa. Ang Biblia nag-ingon, “Siya bakakon ug mamumuno, sa sinugdan pa.” Ug nga anaa kini. Ug iyang gipatay ang iyang igsoon.

177 Ug kadto mao ang tipo sa kamatayon ni Cristo. Unya, gikan niana, natural, Iyang gibangon si Seth aron paghulip sa iyang dapit. Kamatayon, paglubong, ug pagkabanhaw ni Cristo.

178 Ug tan-awa, unya, ania na ang inyong mga higanti. Unya si Cain miadto sa yuta sa Nod. Kon ang iyang papa kaniadto usa ka hataas ug dako nga higanting lalaki, unsa man mahisama si Cain? Sa iyang papa. Ug siya miadto sa yuta sa Nod, ug gidala ang usa sa iyang mga igsoon nga babaye.

179 Ang bugtong paagi nga iyang mahimo. Walay ubang mga babayeng mahimong motungha, kundi pinaagi lamang kang Eba. Ilang giangkong nga aduna silay kapitoan ka mga anak nga lalaki ug babaye. Kon—kon wala pay babaye... Ang Biblia wala nagatala ug mga babaye sa dihang sila nangatawo, mga lalaki lang. Ug sa dihang, kon wala nay mga babaye gawas kang Eba, sa dihang siya namatay, ang kaliwatan sa tawo ninghunong na pagtungha. Siya kinahanglan adunay mga anak nga mga babaye. Ug siya kinahanglan magminyo sa iyang kaugalingong igsoon nga babaye.

180 Siya niadto sa yuta sa mga Nod ug nagkuha—ug nagkuha sa iyang asawa. Ug sa dihang siya nagminyo kaniya didto, didto mao kon diin ilang nakita niadtong hataas ug dagko nga mga higanti, nga maong mga nahulog nga anak nga lalaki sa Dios; kinsa ningtungha pinaagi sa ilang papa, ang yawa, pinaagi kang Cain. Kana mao ang inyong nawala nga kadugtong.

181 Ug tan-awa ang binhi sa serpente. Karon tan-awa. Hinumdumi, ang binhi sa serpente relihiyoso. Tan-awa kini nga nagasugod paglihok karon, sa makadiyot nga mga gutlo. Ania na kini, ang binhi sa serpente. Unsay nahitabo kanila? Karon basahon ko lang ang usa ka butang dinhi, nga bag-ohay ko lang gisulat karong hapon.

182 Unsa man ang nangtungha sa linya ni Abel? Paminaw niini. Bueno. Dinhi niabot si Abel. Human ni Abel miabot si Seth. Human ni Seth miabot si Noah. Human ni Noah miabot si Shem. Human ni Shem miabot si Abraham. Human ni Abraham miabot si Isaac. Human ni Isaac miabot si Jacob. Human ni Jacob miabot si Judah. Human ni Judah miabot si David. Human ni David miabot si Cristo, ngadto sa pagkahingpit.

183 Tan-awa pabalik didto kon unsa nga ang Espiritu sa Dios nagpuyo kang Abel. Tan-awa kon giunsa Niini pagpuyo diha kang Seth. Tan-awa kon giunsa Niini pagpuyo diha kang Judah. Tan-awa kon giunsa Niini pagpuyo diha kang David. Tan-awa ang mao ra nga Espiritu nga nagatawag, diha nianang matarung nga binhi, sa tanan nga nangsunod pa. Bisan unsa pa ang ilang nabuhat, sila gikabut-an nang daan.

184 Tan-awa si Jacob, usa ka mahugaw. . . Wala ko kini ginasulti diha nga mapasipad-on. Apan si Jacob, usa ka gamay'ng tikasan, nagagunit ilalum sa palda sa iyang inahan sa tanang panahon; nagadagan-dagan, usa ka gamay nga bayotong lalaki. Nagbutang ug mga butang ibabaw kaniya, niadto ug gilingla ang iyang amahan, aron pagkuha sa panalangin; apan kini gikahatag na kaniya sa wala pa ang pagkatukod sa kalibutan. Tinuod, kini gihimo.

185 Ning-adto didto ug namakak sa iyang ugangan nga lalaki; ug nagkuha ug pipila ka gipuntikan nga sanga, mga sanga sa alamo, ug gipangbutang kini diha sa paimnanan, aron paghadlok niining kahayopan sa dihang sila nanamkon; aron pagpaanak kanila ug kabang nga kahayopan, aron siya makalimbong ug makuha silang kahayopan. Ang Dios nagpanalangin kaniya niini. Tinuod kana.

186 Alaut si bisan kinsa nga nagasulti ug bisan unsang mahitungod kang Jacob. Nasayod kamo kon unsa—nasayod kamo kon unsa ang gisulti sa mini nga profeta. . . O, siya kaniadto nagapanagna sa sakto. Si Balaam, siya miingon, “Ang si kinsa nga nagapanalangin kaniya pagapanalanginan, ug kinsa kadtong nagatunglo kaniya pagatunglohon.”

187 “Gikuha ko ikaw, Jacob. Ako siyang hikaplagan ingon nga usa ka. . . ingon nga usa ka anaa sa langyaw nga yuta. Ug sama sa agila nga nagauyog sa iyang salag, Ako siyang giuyog ug gikuha siya pagawas.” Hallelujah! “Dili pinaagi sa gahum, dili pinaagi sa kusog, apan pinaagi sa Akong Espiritu, nagaingon ang Ginoo.”

188 Tan-awa kanang nagaabot ngadto nianang kahingpitan. Kana nga Espiritu nanaglihok ngadto sa kahingpitan diha kang Cristo, ngadto diha sa matag usa niadtong mga Patriyarka, padayon sa mga nangsunod pa. Bisan unsa pa ang ilang nangabuhat, unsa ang ilang nangasulti, unsa man ang ilang nangabuhat, sila ang tinuod gayud nga binhi sa matarung.

189 Ug, dinhi, sa dihang ang matarung nga si Abraham... Kamahimayaon! Oh, nagbati ko ug tinuod nga kaayo. Sa dihang ang matarung nga si Abraham natagbo si Melquisedec, Kinsa ang maong Dios Mismo!

190 Kinsa man si Melquisedec? “Ang Hari sa Salem, nga mao ang Hari sa Jerusalem, Hari sa pakigdait. Wala Siyay amahan. Wala Siyay inahan. Siya wala gayuy sinugdanan sa mga adlaw, ni walay katapusan sa kinabuhi.” Kon Kinsa man Kini Siya, Siya buhi gihapon. “Siya wala gayud gitawo. Siya dili gayud mamatay. Siya wala gayud amahan ni inahan. Siya wala gayuy sinugdanan sa mga adlaw, ni katapusan sa kinabuhi.” Sultihi ko kon Kinsa man kadto. Ang Walay Sinugdanan ug Walay Katapusan nga Dios; sa kon unsa atong gitawag nga usa ka . . .

191 Oh, nahikalimot ko kon unsa ang tawag ninyo niana karon. Theophany, mao ang kon unsa kini. Sama lamang sa . . . Dili usa ka sulugilanon; apan sa gihapon kini usa gayud ka butang nga ginapadayag. Sama nga Siya niadto kang Abraham didto sa balongbalong, sama sa usa ka manolonda, ug nagtagna, ug nag-ingon kang Sarah siya mikatawa, sa luyo Kaniya, ug uban pa. Ang butang, ang samang butang.

192 Ug ania Siya. Iyang natagbo si Melquisedec. Ug ang apo . . . ang apohan sa tuhod nga si Abraham, diha sa binhi sa matarung, naghatag sa ikapulo ngadto kang Melquisedec; ug kini giisip ngadto sa iyang apo sa apo sa tuhod pa dinhi, ang binhi sa matarung.

193 Karon ania ang binhi sa—sa serpente. Karon, hinumdumi, adunay panagkaaway, gubat taliwala kanila.

194 Ang binhi sa serpente ning-abot, ug unsa ang ginapamunga niini? Karon atong tan-awon ang diyutay’ng unang mga katuigan. Karon tan-awa kon unsa ang nagakahitabo didto. Ato kining padayon nga basahon dinhi, tungod kay mao pay akong pagkasusi niini. Ang binhi sa serpente namunga kang Cain. Si Cain niadto sa yuta sa Nod, nanganak ug mga higanti, ug unya sila ning-adto sa yuta ni Noah.

195 Sila mga maantigo, edukado, utokang mga katawhan. Husto ba kana? Sila mga magtutukod, mga imbentor, mga siyentista; dili gikan sa binhi sa matarung, apan nagagikan sa binhi ni Satanas, ang serpente. Sila ang maong mga tawo ingon nga—nga mga siyentista, ug mga magtutukod, ug bantugang mga tawo, mga magtutudlo. Ang Kasulatan nagasulti niini. Sila nanagbuhat ug tumbaga. Sila nanagbuhat ug puthaw. Sila



nanagbuhat ug mga metal. Sila nanag-imbento ug mga butang. Sila nanagtimpla ug nagkalainlaing mga metal, ug nanagtukod ug mga balay, ug uban pa. Ang Kasulatan nagasulti niini. Ug sila kaniadto mga mangyuyubit sa Binhi sa babaye, si Noah, ang matarung. Tinuod ba kana? [Ang kongregasyon nagaingon, "Amen."—Ed.]

<sup>196</sup> Sundan ta sila sa taas-taas pa. Dayon, ato silang gidala ngadto sa arka, ang tanan na nangalaglag. Ningsulod na sa maong katipun-ugan sa sala, ug sila nag-okupar sa mga pamunuan, ug labing mga maantigo ug utokan. Hangtud, ang Dios nagtan-aw paubos, wala nay mga nahibilin kaayo, mao nga iyang gikuha na lamang si Noah ug ang iyang pamilya pasulod sa arka, ug gipaulan ang tubig ug gilaglag ang tanang butang. Gilalin na ngadto sa kahitas-an si Enoch, sa wala pa. Husto kana? [Ang kongregasyon nagaingon, "Amen."—Ed.] Didto ang tanang binhi, halos tanan nga binhi; apan aduna Siyay katuyuan nga kinahanglan mamatuman.

<sup>197</sup> Karon, si Noah ug ang iyang mga anak nga lalaki, nga nanagpanggawas, si Ham, si Shem, ug si Japheth, nanagpanggawas sa kaliwatan sa matarung.

<sup>198</sup> Giunsa man sa binhi pagkaadto didto? Ang binhi ningsaka sulod sa arka, sama sa gihimo niini sa sinugdan, pinaagi sa babaye, sa ilang mga asawa. Sila nanagdala sa binhi ni Satanas, pinaagi sa arka; sama kang Eba gisamkon ang binhi ni Satanas, aron sa pag-anak kang Cain, pinaagi sa babaye.

<sup>199</sup> Nagabutang kamo kanila nga mga babaye diha sa inyong mga entablado ingon nga mga magwawali, ang Biblia nagasaway niini! Si Pablo miingon, "Kon adunay maghunahuna sa iyang kaugalingon nga siya profeta, o bisan espirituhanon, kinahanglan ilhon niya nga kon unsa ang akong gisulat maoy mga sugo sa Ginoo; apan kon siya wala masayod, pasagdi lamang siya nga magawalay kasayuran."

<sup>200</sup> Mao kon ngano nga ako ninggawas sa Baptist nga iglesia dinhi. Si Igsoong Fleeman dinhi dili pa dugay; nagtoo ko nga didto siya niadtong gabhiona. Si Dr. Davis miingon, "Ikaw ang motindog dinhi ug ordenahan kining mga babaye aron mahimong mga magwawali."

Ako miingon, "Dili ko mobuhat niini. Dili, gayud."

Miingon siya, "Bueno, pahawaon ta ka."

<sup>201</sup> Ako miingon, "Ako napahawa na ngadto sa kaayohan." Matud ko, "Mao kini ang Pulong sa Dios, ug Kini nagasaway niining butanga. Ug dili ko mahimong kuptan kon unsa ang ginasaway sa Dios." Dili, sir.

<sup>202</sup> Si kinsa man nga nagabuhat niini, nagapakita nga sila mini nga mga magtutudlo, mini nga mga profeta. Ang Biblia

nag-ingon sila mangtungha. “Magpahisalaag sa mga pinili kon mahimo.” Mao na.

203 Matikdi kini karon. Ug gikan didto, unya, miabot si Ham, si Ham uban sa iyang asawa, ug kanila. Siya adunay tunglo nga gibutang na diha kaniya. Gikan kang Ham miabot si Nimrod, kinsa nagtukod sa Babilonia. Gikan sa Babilonia mitungha ang Katolikong iglesia, ang sinugdanan niini. Padayon ngadto kang Ahab. Padayon gikan kang Ahab, ngadto kang Judas Iscariote; nagtapos niini, sa anti-Cristo.

204 Ug niining katapusang mga adlaw, dinhi ania ang espiritu sa anti-Cristo ug ang Espiritu sa Cristo. Ang espiritu sa anti-Cristo, nagaingon, “Ang mga adlaw sa mga milagro nilabay na.” Ang Espiritu ni Cristo, nagaingon, “Siya mao sa gihapon kagahapon, karon, ug hangtud sa kahangturan.” Ang espiritu sa anti-Cristo nagaingon, “Wala kini kalainan kon ikaw nabautismohan man diha sa ‘Amahan, Anak, Espiritu Santo,’ gibuboan, gipisik-pisikan, bisan unsa pa kini, kini nangahulugan ug mao rang butang.” Ang Biblia nagsulti nga ang Dios dili masayup, ug Siya dili mausab. Kinsa man ang imong pagasilbihan? Anaa ra kini kanimo.

205 Karon moingon ka, “Makapuyo ba sila nga magkauban? Ikaw miingon, nga, didto sulod niadtong arka, Igsoong Branham, aduna kay didtong duha si Ham ug si Seth.” Husto kana, husto gayud. Si Ham maoy yawa. Si Seth maoy makidiosnon ug matarung. Bueno.

206 Atong sundan si Ham. Bueno, karon, anaa diha si Ham ug si Seth sulod sa mao rang arka; ang usa nga matarung, ug ang usa nga dili matarung. Atua kadtong uwak ug ang salampati sulod sa mao rang arka. Atua kaniadto si Judas ug si Jesus sa mao rang iglesia. Atua ang anti-Cristo ug ang Espiritu Santo sa mao ra nga iglesia.

207 Ug, karong panahona, nagapamuhat ang mao ra nga mga espiritu. “Nagabaton sa dagway sa tuluohan, relihiyoso kaayo, apan nagabaton sa dagway sa tuluohan ug nagapanghimakak sa Gahum niini; likayi niining mga tawhana.” Ang Espiritu Santo, nagaangkon nga, “Si Jesus Cristo mao sa gihapon kagahapon, karon, ug hangtud sa kahangturan.” Asa man ka nga baruganan modapig?

208 Ang anti-Cristo nagaingon nga *Kini* usa lamang ka basahon sa kredo. “Atong balik-balikon ang Kredo sa mga Apostoles.” Akong ginahagit ang bisan si kinsang magwawali sa pagsulti kanako kon asa ang Kredo sa mga Apostoles makita sa Biblia: “Ako nagatoo sa Dios, ang Amahang Makagagahum, ang Magbubuhay sa mga langit ug yuta; kay Jesus Cristo, Iyang Anak. Ako nagatoo sa Balaan nga Romano Katolikong Iglesia, ang kaambitan sa mga santos.” Asa nimo kana makit-an sa Biblia? Ug sa gihapon inyo kining balik-balikon diha sa inyong dagkung

Methodist ug Baptist nga mga kasimbahanan. Kini usa ka doktrina sa yawa, ug mini nga mga profeta ang nagatudlo niini.

<sup>209</sup> Ug ako nagalaum nga ako wala makapasakit sa inyong mga pagbati, apan ako ginadukdok kana dinhi sa tabernakulo. Kamo dinhi sa Branham Tabernacle, pahilayo gikan niining mga butanga. Ang bisan unsa nga nagatoo sa kaambitan sa mga santos maoy espiritismo. “Anaa lamay usa ka tigpataliwala sa Dios ug sa tawo, ug mao kana ang Tawong si Jesus Cristo.” Dili ikasapayan kong pila pa ka Maria ang anaa!

<sup>210</sup> Nakita ninyo kong giunsa niadtong binhi sa babaye didto pagkahimo? Nakita ninyo kong giunsa pagdala sa binhi sa babaye didto?

<sup>211</sup> Tan-awa karon, sa Amerika. Ang Amerika binhi sa yawa. Unsa man kini? Siyay usa ka nasud sa babaye. Nakadungog na kamo, “Kini maoy kalibutan sa babaye.” Tinuod kana. Usa kini ka nasud sa babaye. Sila ang nagapahimutang ug mga sundanan.

<sup>212</sup> Ako nakaadto, dili pa dugay, sa Switzerland. Ang mga babaye nanag-ingon...Usa ka batan-on, babayeng may Espiritu Santo miingon, “Nahibalo ka, kon ako moadto didto sa Amerika, sila nanag-ingon nga ang mga babaye adunay kagawasan.”

<sup>213</sup> Ako miingon, “Sultihan ta ka kon asa ang padulngan niini.” Ug akong gisugdan pagsulti kaniya.

Siya miingon, “Oh, kaluoy, wala na koy gusto niana.”

Ako miingon, “Mao kana kon asa ang padulngan niini.”

Nahibalo kamo, sila dili nanagbuhat nianang mga butang didto sama sa ilang ginabuhat dinhi.

<sup>214</sup> Unsa man kini? Ipakita ko kaninyo nga ang Amerika usa ka babaye. Diha sa atong sensilyo mao ang hulagway sa babaye. Ang tanan dinhi babaye.

<sup>215</sup> Sultih ko, walay igo nga imnanan dinhi sa nasud, mohimong...Magbutang mo ug kap-atan ka imnanan sa siyudad dinhi, ug magbutang ug tulo ka mga babaye’ng budok, nga matahum tan-awon nga mga babaye nga nagakiaykiay dinha sa dalan; sila magpadala ug labi pa ka daghan nga mga kalag ngadto sa impyerno, nga nagpangibog ngadto kanila, kaysa tanan nga mga imnanan nga inyong mabutang diha sa siyudad. Tinuod gyud kana.

<sup>216</sup> Kinsa man diy kini? Babaye. Unsa man siya? Siya ang dios sa Amerika.

<sup>217</sup> Tan-awa ang uban niining mga tigulang nga lalaking artista sa pelikula; sila manganhi dinhi ug mangaminyo ug upat o lima ka beses, nanagpuyo uban sa tulo o upat ka lainlaing bana sa dungang higayon; ug pipila niining mga magasin

nanagpakita ug nanaghisgot kanila, nanagkuha sa ilang mga hulagway nga hubo sa gawas dinhi. Ug kamong batan-ong mga babaye nagpahimutang niana ingon nga inyong sumbanan, (ngano man?) tungod kay ang inyong mama nga nauna kaninyo, tingali, ang inyong lola nga nauna kaninyo. Nakita na ninyo kon diin kanang binhi sa serpente nagapamuhat? Sa pagkatinuod, mao na karon.

<sup>218</sup> Ug unsa ang nahimo niini? Kon ang pagkadautan mao ang pagdu-aw ngadto sa napulo ug upat ka mga kaliwatan, ilalum sa kasuguan, unsa naman kaha mahitabo kon ang pagkadautan giduaw niining panahona, sa dihang ang binhi sa matarung hapit na matapos? Ug ang Dios nag-ingon nga moabot ang panahon, kon dili Niya gipamubo ang buluhaton, wala nay mahibilin niini. Kita ania na sa katapusang panahon. Pangitaa ang matarung karong gabhiona; ngadto didto sa mga siyudad!

<sup>219</sup> Oh, makita ninyong mga miyembro sa simbahan maingon ka madapigon gayud sa mga Baptist ug mga Prebyterian, ug uban pa, ingon sa mahimo kini. Apan dili na mohimong may kalambigitan pa sila sa Dios ingon sa usa ka kuneho nga magsul-ob pa ug sapatos pang-niyebe. Wala gyud hibalo mahitungod Niini! Ang ila lang nahibaloan . . . Ikaw ba usa ka Cristohanon? “Ako usa ka Katoliko.” Ikaw ba usa ka Cristohanon? “Ako usa ka Baptist.” Ikaw ba usa ka Cristohanon? “Ako Presbyterian.” Ikaw ba usa ka Cristohanon? “Ako Pentecostal.” Kana walay kalambigitan Niini.

<sup>220</sup> Ikaw usa ka Cristohanon tungod nga ang Dios, pinaagi sa Iyang grasya, nagaluwas kanimo. Ug nahibalo ka mahitungod Niini. Ug may butang nga nag-usab sa imong kinabuhi, nga ikaw nagkinabuhi na nga lahi. Ug ikaw bag-o na nga tawo ug binuhat diha kang Cristo Jesus. Mao gyud.

<sup>221</sup> Apan makita ba ninyo kon asa ang binhi sa serpente? Unsa man ang binhi sa serpente? Pagpanapaw. Inyo bang nasundan? Ang pagpanapaw uban ni Eba. Unsay nahitabo niana? Unsa man ang nakadala niana? Unsa man kini karong gabhiona?

<sup>222</sup> Tan-awa pagbalik ang kaniadto, pipila ka tuig ang nilabay, sa dihang ang una’ng alawiton ninggawas. Kamong mga mas tigulang na, sa dihang ang . . . Ila pang ginatuki sa una ang mga alawiton sa dili pa kini nila ipaawit diha sa radyo. Ug ang usa nga una ninggawas, mao kadtong, “Roll ’em, girlies, roll ’em, showing your pretty knees,” ug tanan nga sama niana. “Laugh at pa and ma, and give them all a ‘ha-ha-ha!’” Mao kana ang usa nga una nila napalusot. Sa inyong hunahuna asa na man kaha karong gabhiona katong lalaki nga nagsulat niadtong alawiton? Siya patay na.

<sup>223</sup> Unsa na man ang hunahuna ninyo kang Clara Bow, kinsa ninggawas nga una ug miingon sa, *Ang Makuyaw Nga Mga Kurba*; ug ang maong naghubo-hubo nga mipadala ug liboan ka

mga kalag ngadto sa impiyerno? Asa man siya karong gabhiona sa inyong hunahuna? Siya patay na sa dugay nga panahon. Asa man siya, uban niadtong iyang lawas? Nahiluna na didto, kinutkut na diha sa abog, ug ang mga ulod ug mga ulod sa langaw ningkaon na niini. Ug ang iyang kalag nahimutang na didto sa atubangan sa usa ka matarung nga Dios.

224 Asa na man ang maong tawo nga nagkuha niadtong babaye ug gihimoan sila ug kaniadtong mangil-ad tan-awon nga mga bisti nga ilang gisul-ob, aron pagpagawas kanilang tanan sa usa ka pamaagi ug usa, ug pagpasaput kanila ug sayup? Miingon, “Alang sa usa man nga ilang ginabuhat kini? Alang sa ngano man nga inyong ginasul-ob kining mga butanga?” Tungod kay gusto ninyo nga ang mga lalaki motan-aw kaninyo, ug wala nay laing paagi aron pagpamatuud niini.

225 Ug nasayod ba kamo nga sa dihang inyong ginabuhat kana, ug dunay daan nang makasasala nagatan-aw kaninyo, nasayod ba kamo kon unsa ang nahitabo? Sa Hukmanan. . . Moingon ka, “Igsoong Branham, ako ingon nga matinud-anon gayud sa akong bana.” Ikaw pagaisipong sad-an nga nagahimo ug pagpanapaw. Si Jesus miingon, “Ang si bisan kinsay nagatan-aw sa usa ka babaye aron sa pagpangibog ngadto kaniya nakapanapaw na uban kaniya diha sa sulod sa iyang kasingkasing.” Sa dihang katong tawo patubagon na gani sa paghimo ug pagpanapaw, kinsa man ang usa nga maoy hinungdan niini? Sa pamaagi nga ikaw nagbisti sa imong kaugalingon ug nagpasundayag sa imong kaugalingon.

226 Karon, ako wala nagapasabot sa pag-ingon nga ikaw kinahanglan magbisti ug lahi ingon nga gikan sa karaang kaban. Apan, ikaw mahimo man nga mas mahisama tan-awon sa usa ka babayeng maugdang.

227 Ug mogawas dinhi ug maghubo, ang imong gamay nga kamubong purol, ug maghikut ug laso palibot niini sama niana; ug ang imongtrato uban sa iyang mga mata nga sama sa usa ka bandeha sa sigarilyo, nga may sigarilyo sa imong baba, nagalakaw diha sa kalsada. Wala ka nagabuhat niana alang sa dili maayo nga tumong. Ikaw mamahimo tingali nga inosente sa kamatuoran, apan ang yawa nagagamit kanimo ingon nga usa ka galamiton sama sa iyang gibuhang Eba.

228 Ngano man nga kini usa ka nasud sa babaye? Tungod kay kini nagapaingon man ngadto sa pagpangamhanan sa Katolisismo. Unsa man kini karon? Dili gayud kamo makadungog kanila nga maghisgot ni Jesus. “Maghimaya ka Maria! Maria, inahan sa Dios! Santa Cecilia!” Tanan na nga matang sa mga santos, patay nga mga santos. Dinhi dili pa lang dugay, didto sa. . .

229 Didto ako sa Mexico, sa miaging tuig. Ania miabot ang pobre nga babaye, nagaluhod palakaw. Ang iyang mga tuhod,

nangsaguyod na sama niana, ug nangapaknit na; nagahilak, ug nagagunit sa iyang kamot. Ug ang amahan nga nagalakaw dungan, nagadala ug duha ka gagmay'ng mga bata, sila nananghilak; ang inahan nga nagaantos pag-ayo; tungod sa usa ka babaye, nga gitawag nila ug santos, namatay. Anaa kanila ang iyang estatwa didto sa bungtod. Usa ka hinigugma mipatay kaniya. Ug sa dihang siya gipatay sama niana, natural, siya usa na ka santos; siya Katoliko. Mao nga siya nagapaingon, aron paghimo sa paghinulsol; ug kinahanglan siya magalakaw paluhod ug duha ka milya, ibabaw sa batong-ibakbak, aron paghimo sa paghinulsol.

<sup>230</sup> Igsoon, kon aduna may usa ka butang nga kinahanglan pay akong buhaton, si Jesus Cristo namatay diha sa walay kapuslanan. Sa grasya, ako giluwag; ug dili pinaagi sa—pinaagi sa akong kaugalingon, apan pinaagi sa kabubut-on sa Dios, ug pinaagi sa pagkamaayo sa Dios.

<sup>231</sup> Silang mga tigbalita nangutana kanako, miingon, “Mr. Branham. . .” Ang—ang gamay'ng, ang patay nga bata nga nabuhi na, ug pipila ka mga butang didto. Katloan ka libo ka mga Katoliko. . . Dili, pasayloa ako. Kaluhaan ka libo kadto. Ang katloan ka libo ang sa Afrika. Kaluhaan ka libo ka mga Katoliko ningdawat kang Cristo ingon nga personal nga Manluluwas, sa usa ka higayon, sa dihang kana nahitabo, nagatingdog ako sa Siyudad sa Mexico. Ug kadtong mga pari, wala silay ikasulti; daghan kaayo, magsugod ug kagubot. Daghan kaayo ang dapig. Mao nga siya miingon, “Mr. Branham, nagatoo ka ba nga ang among mga santos makahimo sa samang butang nga imong ginabuhat?”

<sup>232</sup> Nahibalo na sa ilang doktrina, ako miingon, “Tinuod, kong sila buhi pa.” Kita n'yo? Busa, dili ka mahimong santos sa Katoliko gawas nga ikaw patay na, nahibalo na kamo.

Mao nga siya miingon, “Oh, dili ka mahimong santos gawas nga ikaw namatay.”

<sup>233</sup> Ako miingon, “Asa man kana nimo mabasa? Si Pablo miingon, ‘Nganha sa mga santos nga anaa sa Efeso,’ ug kanila nga gitawag sa Dios. ‘Nganha sa mga santos nga anaa sa Efeso,’ siya nagabasa kaniadto sa iyang sulat; ug ang mga santos nga anaa pa sa laing mga dapit, sa Galacia, ug—ug ‘sa mga santos sa Roma,’ ug sa uban pa. Ang *mga santos*, ‘ang mga gibalaan.’ Unsa na man kana?”

<sup>234</sup> Siya miingon, “Natural, karon, kita dili angay makiglalis sa Biblia. Tungod kay, kami mao ang iglesia, ug kon unsa ang ginasulti sa iglesia. Dili namo ikasapayan kong unsa man ang ginasulti sa Biblia. Kini kong unsa ang gisulti sa iglesia.” Miingon, “Unsa man unya imong ikasulti sa iglesiang Katoliko?”

235 Ako miingon, “Akong gihinaut nga dili mo unta kana gipangutana kanako. Tungod kay ikaw nangutana man kanako, ug akong igasulti kanimo ang Kamatuoran.”

Miingon, “Bueno, gusto ko nga imong isulti kanako ang Kamatuoran.”

Ako miingon, “Ang maong labing taas nga matang sa espiritismo nga akong nahibaloan.”

Siya miingon, “Giunsa man nimo pagkuha niana?”

236 Ako miingon, “Ang bisan unsa nga nagapangaliya uban sa patay na maoy usa ka espiritista.” Ako miingon, “Kong kanang santosa motubag pagsulti, nan anaa siya sa impiyerno. Tungod kay, kadtong mga ningtabuk na sa dalan, ang akong—akong Biblia nagsulti nga siya dili na makahimo pagbalik.” Husto kana. Ug ako miingon, “Kong kini mao pa, kong siya usa ka santos; kini mao ang yawa nga nagasulti ingon nga usa ka santos, ug kini dili ang maong santos, bisan pa.”

237 Ug siya miingon, “Ah, karon, kadiyot lang.” Miingon, “Ikaw nagapangaliya uban sa patay na, usab.”

Ako miingon, “Diin?”

Siya miingon, “Kang Jesus Cristo nga patay na.”

238 Ako miingon, “Apan Siya nabanhaw pag-usab. Siya dili patay. Apan Siya buhi, aron paghimo ug mga pagpangamuyo alang kanato, ug ang bugtong tigpataliwala sa Dios ug sa tawo.”

239 “Ako mao Siya nga namatay, ug nabuhi pag-usab, ug buhi hangtud sa kahangturan. Ania Kanako ang mga yawe sa kamatayon ug sa hades.” “Ang si bisan kinsa nga buot, paaria siya ug paimna sa walay bayad nga tubig sa Kinabuhi.” Na! Kana ang atong Dios. Mao kana ang atong Dios.

240 Ug ang binhi sa matarung nagkadiyutay na lang. Sultihi ang mga tawo mahitungod niining mga butang. Sultihi ang mga tawo mahitungod sa pagbalik sa dalan sa Biblia. Sultihi ang mga tawo mahitungod sa mga milagro. Sultihi ang mga tawo mahitungod niana. Ang ilang “iglesia dili nagatoo Niini,” mao nga sila mga anak sa gawas, alang sa Dios. Ang Biblia nag-ingon kong dili kita makaantus sa mga pagpanglutos, ug mga pagsulay, mga pagbugalbugal, ug gitawag “mga holy roller” ug uban pa, sama niana; kon kamo dili makadawat niini, kamo mga anak sa gawas, ug dili nga mga anak sa Dios. Ang Biblia nagsulti niini.

241 Taw-ga ko ug “holy roller,” kon gusto ninyo. Tawaga ko ug bisan unsa nga gusto ninyo. Basta ang akong kasingkasing matarung sa Dios, ug ang akong kasinatian nahisubay sa Biblia sa Dios, ako magapadayon gihapon sa sa mao rang direksyun. Oo, sir. Mao kana kon unsa ang atong ginatoohan. Mao kana ang Iglesia sa buhi nga Dios, nga wala nagaabot pinaagi sa teolohiya. Kini wala nagaabot pinaagi sa usa ka hinimo’g tawo, intelektuwal nga mga panghunahuna. Kini nagaabot pinaagi sa

hingpit nga gipadayag nga Kamatuoran nga si Jesus Cristo mao ang Anak sa Dios.

<sup>242</sup> Kon ako lamang adunay intelektuwal nga mga panghunahuna, tungod kay ang iglesiang Baptist o ang Methodist nga iglesia nagtudlo kanako nga kining *mao kini-ug-mao kana* nga mga butanga; sa dihang akong madungog kini nga Biblia, kong ang Biblia . . . Kong ako pay nabautismohan na diha sa ngalan sa “Amahan, Anak, ug Espirito Santo,” ug nabasa kining Biblia, ug usa ka magwawali miingon kanako nga walay usa diha sa Biblia nga gikabautismohan apan diha sa Ngalan ni Jesus Cristo, ug akong gibasa kini ug nakita nga kadto maoy Kamatuoran, sa dihadhiha dayon moanha ko’g bautismohanan ingon sa pinakadali nga akong mahimo. Oo, sir.

<sup>243</sup> Kon duna may usa nga misulti kanako nga—nga si Jesus Cristo maoy usa ka bantugang mananambal; ug ang akong simbahan miingon kanako, “Ang mga adlaw sa mga milagro nilabay na,” ug ako nagkinahanglan ug kaayohan; ako modagan sa dali nga akong mahimo, ngadto nianang altar, aron mamaayo. Akong buhaton gayud.

<sup>244</sup> Kon ako pay usa ka magwawali, ug adunay usa—usa ka babaye nga magwawali diha sa akong pulpito, ug akong nabasa diha nianang Biblia ug nakita nga ang usa ka babaye dili dapat nga mowali, ako siyang ipagawas gikan didto, kon kini man mopanit sa akong likod.

<sup>245</sup> Ug hinumdumi, nagalingkod diha sa luyo diin si Igsoong babaye nga si Wright anaa karon, usa ka gabii, nga usa ka babaye magalabay kanako pagawas sa pultahan tungod sa pagbuhat ug usa ka butang sama niana. Oo, sir. Ako miingon, “Kamo dili moanhi sa akong simbahan uban sa imong daang . . .” Sa dihang sila nanagsul-ob pa, o nagatabas sa ilang mga bisti nga pamubo sama niini, ug kanang butang nga kataw-anan tan-awon, ug halos katunga sa ilang lawas gipakita. Ako miingon, “Moanhi lang sila sa akong simbahan, ako gyud silang ipagawas.” Ug usa ka gamay’ng edaran nga isugong-malditahon dinhi, siya namatay dili dugay human niadto; ug dayon siya nagpatawag kanako, himalatyon na. Kadto siya usa ka Katoliko nga babaye, milakaw diha ug milingkod nga sul-ob kana sama niana. Ako milingi ug ako siya’ng gipanid-an, nagalingkod dinhi, ug sila nanag-awit. Gikuha ko ang akong kupo, nilakaw didto sa luyo, gibutang kini libot sa iyang mga abaga. Ako miingon, “Madam, kon ikaw maminaw kanako sa pagwali, palihug ko ug suot niining kupo samtang ikaw ania sa iglesia sa Dios.” Kita n’yo? Tinuod.

<sup>246</sup> Siya nagbundak-bundak paggawas didto, ug nangyam-id. Siya ninggawas sa tigumanan. Miingon siya, “Kon duna man siya’g relihiyon, dili nako itugot ang akong baka makabaton nianang matang sa relihiyon.”



Ako miingon, “Ayaw’g kabalaka, siya dili makabaton niini.”

<sup>247</sup> Unya kami adunay tolda, sila nagtawag kanako sa dihang siya himalatyon na. Siya giataki sa kasingkasing, ug siya himalatyon na. Ang iyang bana niabot. Siya, “Kon mahimo, nganhi sa madali!” Ug ako diha mismo sa panagtigum. Daku, taas nga lalaki, nagatindog sa pultahan, nagahulat kanako. Ug ako midagan ingon sa . . .

<sup>248</sup> Ako misulod sa akong sakyanan ug mipadagan ngadto didto. Samtang ako misaka, akong natagbuan kadtung edarang nars didto, nga nagapuyo didto sa Howard Park, sa una. Siya miingon, “Reverendo, dili na kinahanglan ang pag-anhi.” Kadto mga hapit na kaluhaan ka mga tuig ang milabay, tingali mga ubus-ubos pa. Miingon, “Patay na siya.” Miingon, “Siya patay na sa mga tulo na ka minuto.” Miingon, “Siya misyagit ug kusog kutob sa iyang mahimo, alang kanimo.” Miingon, “Aduna koy mensahe alang kanimo.”

Matud ko, “Unsa man?”

<sup>249</sup> Miingon, “Sultihi ang maong magwawali, nga mahitungod sa akong gisulti, ‘nga nagpakiluoy pasayloa ako.’”

<sup>250</sup> Ako mikanaug didto aron pagtan-aw kaniya. Matahum nga babaye; ug siya nag-antus pag-ayo. Siya adunay gagmay’ng mga lagum sa iyang ilong; usa ka matahum nga babaye. Ug ang mga lagum, morag tan-awon, nga ningburot. Ug ang iyang mga mata ninglugwa, ug nangaliso ang katunga. Natural, ang iyang mga tinae ug mga rinyon nangalihok na, ug ang alisngaw ninggawas sa tibuu kama, sama niana.

<sup>251</sup> Ug ang iyang bana mitan-aw kanako, miingon, “Igsoong Branham, ampoi, tungod kay siya gusto nga makakita nimo.”

Ako miingon, “Ang usa ka pag-ampo kaniya karon wala nay kapuslanan.”

<sup>252</sup> “Kon asa nagaharag ang kahoy, diha kana siya nagakapukan.” Kita n’yo? “Ayaw’g palimbong, Ang Dios dili mabiyabiyay. Bisan unsay gipugas sa tawo, kana ang iyang pagaanohon.”

<sup>253</sup> Nakita ba ninyo kon asa na kini? Karon unsay nahitabo? Tan-awa ang babaye nga mobuhat niana. Tan-awa ang mga babaye nga nagkinabuhi kaniadto, ang babayeng korista, unsa man ang iyang anak nga babaye? Usa ka babaye’ng kiatan. Unsa na man ang anak nga babaye sa babaye’ng kiatan? Usa ka batan-ong rock and roll. Unsa man ang mamahimo niya’ng anak nga babaye? Uh! Unsa man kini?

Nakita n’yo na ang binhi sa matarung?

<sup>254</sup> Tan-awa kamo’ng mga Baptist. Balik diyutay sa kaniadto. Balik ngadto kang John Smith, ang inyong magtutukod, kamong mga Baptist. Sa dihang, siya nag-ampo alang sa kalapasan sa katawhan, hangtud, siya mihilak ug nag-ampo alang sa

katawhan hangtud ang iyang mga mata nanghubag ug namikut, ug ang iyang asawa kinahanglan nga magapakaon kaniya diha sa lamesa, sa iyang pamahaw.

<sup>255</sup> Ug kamong mga Methodist palibot dinhi, nga may mga alahas diha sa inyong ilong ug diha sa inyong mga dalunggan, ug morag tan-awon nga mga angkasanan alang sa yawa; ug nagapanggawas, nagasuot ug mga purol, ug mga butang nga sama niana! Sa dihang, ang tigulang nga si John Smith, usa sa mga anciano sa Methodist nga iglesia, sa wala pa siya namatay sa kawaluan ug lima ka tuig ang kagulangon, nagwali ug mubo nga sermon upat ka tuig. . . upat ka oras. Ilang kinahanglan siyang alsahon ug ipahimutang diha sa pulpito. Ug ania ang iyang ulahing mga pulong. Siya miingon, “Ako nahingangha pag-ayo sa mga gawi sa Methodist nga iglesia.” Miingon, “Bisan gani ang mga anak nga babaye sa Methodist nga iglesia nanagsuot na ug bulawan nga mga singsing diha sa ilang mga tudlo.” Unsa na man kaha ang iyang ikasulti karon, nga mga nakapurol na, nagapang-awit diha sa koro?

<sup>256</sup> Maayo pa mo kaniadto. Unsa na may nahitabo? Kamo nagagawi na sama sa inyong mama. Mao kana ang ensakto niini.

<sup>257</sup> Mao kana ang hinungdan nga wala kitay gusto sa niining mga denominasyon nga nagapabitay niini, o gitaput dinhi, “Kami mga Methodist. Kami mga Baptist.” Kita iya lamang kang Cristo. Pasagdi na lang nga ing-ana, magmagawasnon ka.

<sup>258</sup> Karon, nakita n’yo na ang binhi sa serpente? Unsa man ang mopadani sa usa ka babaye nga magkagusto nianang takun? Unsay himoon niana? Unsa man? Sila nanagpadayon, sa mga nangsunod pa. Ilang gitulod pagbalik ang Baptist, gitulod pagbalik ang Methodist, gitulod pagbalik ang Presbyterian. Unsa may ilang gibuhat? Silang tanan namalik, sama sa ilang mama, ang karaang bigaon. Diha silang tanan, nanagbuhat sa mao ra nga pangbiniga. “Bueno, wala kini nagahimo’g kalainan. Sila gikatuslob na man. Sila gikapisikpisikan na man. Sila, sila ningduol na, nangumpisal na. Ila nang gihimo ang ilang unom ka bulan nga pagdumili; dili sila kaayo nanginom ug daghan nianang panahona, uban pa. Sila nahimong mga maayong miyembro. Sila nanagbayad ug maayo sa. . .” Oh, sus! Wala kanay kalambigitan sa mga bunga sa Espiritu.

<sup>259</sup> Ang mga bunga sa Espiritu mao ang “pagtoo,” nagatoo kang Jesus Cristo ang mao sa gihapon kagahapon, karon, ug hangtud sa kahangturan; “gugma” alang sa kaigsoonan; “kalipay, kalinaw, pagkamapuanguon, pagkamaayo, kaaghop, pailub, pagkamalulot, pagpugong sa kaugalingon.” Mao kana ang mga butang, ang mga bunga sa Espiritu.

<sup>260</sup> Ug magkuha ta’g usa ka tawo, “Ah, siya—siya nagakinabuhi ug maayo sa kasilinganan.” Mao man usab si Esau.

261 Si Esau wala gayud nakapasakit ni bisan kinsa, ug si Esau iya sa yawa; apan si Jacob, gikan sa mao ra'ng tagoangkan, iya sa Dios. Ang binhi sa yawa; sa Binhi sa babaye, ang Binhi sa Dios diha nagaabot.

262 Karon, nakita ninyo, kining tanan napaingon ngadto niini, ngadto sa unsa man kini nga nahibilin sa kalibutan karon? Ako kining isulti sa maisugon gayud, ipatiman-an kini diha, dayon atong pagasugdan ang rebaybal human niini, sa sunod nga panagtigum. Kini nahiabot na sa usa ka porma. Ug, palihug, dili ko kini ginasulti nga mapasipad-on. Dili ko kini ginasulti nga madauton. Kini nahiabot na sa usa ka kahimtang, ngadto sa daku, relihiyoso nga hugpong sa mga dili-tinuod, nga mga anak sa gawas. Kana ang akong kinatapusan nga panulti. Mao kana gayud ang tinuod nga giabtan niini. Nahibalo kamo niana ingon nga mao ang kamatuoran. Kini nahiabot na sa kahimtang nga nahimo na kining pagpasakop sa iglesia ug pagpamiyembro sa iglesia, “Nga anaay dagway sa tinuohan, nagapanghimakak sa Gahum niini,” hangtud nahiabot sa usa ka hugpong sa mga relihiyoso, nga mga anak sa gawas. Mao gayud kana kon unsa kini.

263 Unsa man ang nahibilin nga sunod? Adunay bomba'ng sulpot nga nagahulat didto, daghan kanila, cobalt nga mga bomba ug tanang uban pa. Sila nanagpaabot lang sa niana'ng maong higayon nga moabot. Ug adunay paglaglag pinaagi sa kalayo, sama sa una'ng pinaagi sa tubig.

264 Ug, mga higala, bisan unsa man ang imong ginabuhat, kon ikaw Cristohanon ug imong nabatonan na ang Dios sa imong kasingkasing, ug ikaw nasayod nga ikaw nakalabang na gikan sa kamatayon ngadto sa Kinabuhi, ikaw dapat mao ang labi'ng malipayon nga tawo sa tibuok kalibutan. Sa dihang ang Espiritu Santo diha kanimo. . .

265 Sa dihang, ang Biblia nagaingon, “Si Jesus Cristo mao sa gihapon kagahapon, karon, ug hangtud sa kahangturan.”

266 Ang mga denominasyon nagaingon, “Apan kami nagatoo nga ang mga milagro milabay na.”

267 Ang Espiritu Santo nagaingon, “Amen. Si Jesus Cristo mao sa gihapon kagahapon, ug hangtud sa kahangturan. Mao na gayud.”

268 Kon ang Biblia nag-ingon, “Maghinulsol, ug magpabautismo ang matag usa kaninyo sa Ngalan ni Jesus Cristo alang sa kapasayloan sa mga sala, inyong madawat ang Espiritu Santo. Kay ang saad alang kaninyo, ug sa inyong mga anak, ngadto sa mga Gentil, tanan nga atua sa halayo, sa tanan nga pagatawgon sa Ginoo nga atong Dios—ingon sa tanan nga pagatawgon sa Ginoo nga atong Dios.” Kita n'yo? (Dili, “sa tanan nga pagatawgon sa mga Methodist, pagatawgon sa mga Baptist.”) Apan, “Sa tanan nga pagatawgon sa Ginoo nga atong

Dios, magadawat niining Espiritu Santo, ug mabautismohan sa Ngalan ni Jesus Cristo.” Mao kini kon unsa ang gisulti sa Biblia.

Sa dihang kini moabot kanimo, ikaw moingon, “Amen.”

Ang simbahan moingon, “Oh, wala kini bisan unsang kalainan.”

<sup>269</sup> Apan kini nga Espiritu Santo sulod kaninyo, moingon, “amen” ngadto sa Iyang Pulong. “Ang tawo dili mabuhi sa tinapay lamang, apan sa Pulong nga nagagula gikan sa baba sa Dios.” Tan-awa.

<sup>270</sup> Gusto ko nga ipakita ninyo kanako ang usa ka Kasulatan diin kini nagsulti gayud nga usa ka mansanas ang nagsugod sa butang nga nagpadayon ngadto karon. Gusto ko nga inyong ipakita kanako nga sila nangaon ug mga mansanas. Gipakita ko na kaninyo nga diin si Cain gihunahuna ang mao gihapong butang, ug diin ang iyang binhi gihunahuna gihapon ang maong butang.

<sup>271</sup> Apan ang espirituhanong pinadayag sa Dios nagapamatuod, pinaagi sa Biblia, nga kadto panaghilawas tali sa lalaki ug babaye, nga gidili gayud. Diha mao kon asa nagagikan ang inyong mga higanti. Mao kana kon diin nagagikan ang inyong sala. Mao kana kon diin ang inyong kadautan nagagikan. Mao kana ang gigikanan niini.

<sup>272</sup> Karon tan-aw sa tanan niini—niini, tan-awa, ang—ang serpente kaduhaon ka maalista. Ang iyang binhi kanunay dugay nang kaduhaon na ka maalista. Ug gusto ko nga motungtong niining pulpito ug kuhaon kining mikropono sa akong kamot, [ginabalhin ni Igsoong Branham ang mikropono—Ed.], ug ipabilin ang akong mga tiil ibabaw sa pulpito, ug moingon niini. Ug, karon, asa na man ang inyong bantugang mga intelektuwal? Ang inyong pastor nga nag-adto didto ug nakabaton ug daghang intelektuwal nga kahibalo, ug siya nagatindog; siya mao ang pastor sa labing daku sa kasimbahanan nga ania sa nasud, ug uban pa nga sama niana. Asa man nagatindog ang binhi sa serpente? Diha sa maantigong utokan nga mga dapit sama niana; maantigong, maimat nga mga makinaadmanon. Diha ang maong dapit diin anaa siya. Mao kana kon diin siya nagapahimutang.

<sup>273</sup> “Dili pinaagi sa gahum, dili pinaagi sa kusog, apan pinaagi sa Akong Espiritu, nagaingon ang Ginoo.” Kita n’yo? Diha mao ang dapit kong asa ninyo . . .

<sup>274</sup> Unya magkuha ka ug usa ka gamay’ng igsoon nga lalaki magatindog didto sa eskina, nga nanghubag na ang iyang mga mata sa hinilak, ug tingali nagatindog didto nga ginakaskas ang karaang sista, nagaingon, “Igsoon, ari ka, hikaplagi ang Ginoo!”

<sup>275</sup> Ang pastor nagaagi, moingon, “Huh! Dili ko mahimo nga ang akong kongregasyon . . .Aba, dili ko makig-uban, dili ko

mahitugot nga ang akong. . . dili ko mahitugot nga si Liddy ug si Johnny ug sila nga makakita kanako sa usa ka dapit nga ingon niana.” Sige, binhi sa yawa, ikaw paingon na man sa imong Walay katapusan nga paingnan, bisan unsaon. Tinuod kana. Nahimo ko untang nasulti ang lain pang pulong didto, ug nasulting “mga anak sa gawas,” ug kana mao lang kon asa na kini. Kay, nakita ninyo, kamo. . .

<sup>276</sup> “Walay tawong makahimong pag-ari Kanako gawas kon ang Akong Amahan pagadanihon siya. Ug ang tanan nga nagaari Kanako, pagabanhawon Ko sa katapusang adlaw. Walay bisan usa nga mahana. Ania na kini Kanako. Ako kining pagabantayan. Walay tawo nga makabuhat niini, gawas Niini.”

<sup>277</sup> Ang tanan napahimutang diha Kaniya. Dili ka makaingon, “Nabuhat ko ang usa ka butang.” Ang grasya sa Dios mao ang nagbuhat niining tanan. Mao nga, wala gayud akoy nabuhat. Walay usa ka butang nga dapat nakong buhaton; kamo wala ni kanus-a, usab. Wala gyud kamoy pahanungdang nabuhat nga usa ka butang. Ang Dios ang nagbuhat sa matag-tipik niini. Wala ka ni kanus-a kalihok sa imong tudlo bisan sa usa ka bahin niini. Dili ka kaingon, “Ah, ako nagagikan sa usa ka maayong pamilya. Ako ang nagbuhat *niini*.” Kana walay ni usa nga kalambigitan niini. Ang Dios mao ang Bugtong nagbuhat niini; ang kaluoy sa Dios.

<sup>278</sup> Pasayloa ko karon, dili pa man alas-onse, apan undangon ko na, bisan pa. Kita n’yo?

<sup>279</sup> Pila man ang nakasabut nga ang Biblia nagasulti niining mga butanga ingon nga Kamatuoran; kamong mga taga-Branham Tabernacle, ilabi na? [Ang kongregasyon nagaingon, “Amen.”—Ed.] Karon, mga usa lamang sa napulo ug unom kana sa kon unsa ang atong ginatudlo ug ginatoohan. Apan, hinumdumi, ngadto kaninyong mga tumatan-aw, ako tingaling masulti kini, kamong mga tawo nga dili nagaanhi dinhi isip myembro. Ang paagi nga kami nagatoo niini, nga *Kini* mao ang Biblia, ug ang Biblia mao ang Kamatuoran sa Dios.

<sup>280</sup> Ug kami nagatoo, nga, sa Daang Tugon, karon, sila kaniadto adunay pamaagi sa paghibalo kon unsa ang kamatuoran ug kon unsa ang dili kamatuoran.

<sup>281</sup> Karon, nasayod kitang tanan nga sila kaniadto adunay sinulat nga balaod. Pila man ang nasayod niana? Ang balaod, ang—ang mga kasugoan didto sa kaban, ug uban pa; tinuod, ug ang balaod sa mga kasugoan. Miingon, “Dili ka manapaw. Kinsa kadtong nagabuhat ug pagpanapaw ginabato.” Kita n’yo? Mao kadto ang—ang kasugoan, ug ang balaod sa kasugoan. Karon, ang kaban napahimutang kaniadto ingon *niini*; ang mga kasugoan atua didto, ug ang mga balaod sa mga kasugoan atua sa sulod sa mga bulsa sa kilid sa kaban. Kon ang tawo moanhi dinhi, nakapanapaw; miabot dinhi ug nakuha kon unsa ang

giingon sa balaod, “batoha siya.” Ila siyang gikuha dayon ug gibato siya. Mao kana kon unsa ang balaod kaniadtong anaa sa kasuguan.

<sup>282</sup> Karon sila adunay duha pa ka mga pamaagi sa pagkasayod. Adunay tulo kanunay, ingon nga panghimatuud. Sila kaniadto aduna pay pamaagi sa pagkasayod, ug kadto pinaagi sa usa ka profeta o pinaagi sa usa ka magdadamgo. Pila ang nasayod niana? “Kon aduna man diha kaninyo nga espirituhanon, o usa ka profeta, Ako ang Ginoo magpaila sa Akong Kaugalingon ngadto kaniya diha sa mga damgo, ug mosulti ngadto kaniya diha sa mga panan-awon.” Tinuod kana. Karon, siya kaniadto tigpanagna.

<sup>283</sup> Karon, kon usa ka tawo motungha, miingon, “Oh, hallelujah, anaa kini kanako! Ako nagapanagna karon diha sa Ngalan sa Ginoo. Ako nakabaton ug pinadayag.” Dili nila ginatugotan kana nga nagakahimong ingon niana, sama sa ginabuhat kaninyong mga tawo. Ilang gisusi kana pinaagi sa Dios, una.

<sup>284</sup> Karon, diha sa kang Aaron nga taming sa dughan sila adunay kaniadto ilang gitawag nga Urim Tummim. Pila ba ang nakadungog na nianang pulong? Unsa man kadto? Mao ang napulo ug duha ka mga bato, unom sa kada kilid, nga iya sa napulo ug duha ka mga patriyarka; jasper, Judah, ug uban pa, ug sunod-sunod, ang napulo ug duha ka mga bato. Ug unya ilang gidala kining profeta, o magdadamgo, ug ilang gibitay kining taming sa dughan sa itaas, ug ila siyang gipatindog didto. Ug sila miingon, “Karon panagna ug isulti ang imong tagna.”

“Ang Ginoo nagsulti kanako ug giingon kining—kining mga butanga.”

<sup>285</sup> Bisan unsa pa ka tinuod niini pamation, kini tingali sama pamation ug hingpit gayud nga kamatuoran; apan kon kining mga suga dili nagkahiusa ug nagahimo ug usa ka bulok sa bangaw ngadto didto, ang Urim Tummim, silang mga suga nga nagadungan sa pagkatapok, ang supernatural nga pagpanglihok, nagapanghimatuud. Kita n’yo, ang Dios kanunay nagpamatuud sa Iyang Pulong. Kita n’yo? Ug kanang supernatural nga mga suga dili mikidlap didto, nan dili ko ikasapayan kon unsa pa ka tinuod kini tan-awon, kini sayop.

<sup>286</sup> Kong ang magdadamgo miingon, “ako nagdamgo ug usa ka damgo, ug kini nga damgo miingon, nga, ‘ang Israel kinahanglang mobalhin ug moadto sa usa ka dapit, tungod kay ang mga Sirianhon magaabot sa *niining* bahin ug hugpaon kini.’” Ilang gidala ang maong magdadamgo ngadto didto; iyang gisulti ang iyang damgo. Kon kining mga suga dili mikidlap ngadto didto, siya sayop, bisan unsa pa...Kon ang mga Sirianhon nangandam na sa gubat didto, siya sayop. Dili, sir. Sila, sa walay duha-duha, kinahanglan gyud nga mapamatud-an kini pinaagi sa Urim Tummim.

287 Karon ang tanan nasayod nga ang karaang pagkasacerdote wala na, giwala na, ug ang Urim Tummim nahiuban niini. Kita nasayod niana, dili ba? [Ang kongregasyon nagaingon, "Amen."—Ed.]

288 Ug miabot na ang bag-ong pagkasacerdote. Unsa? Aduna ba kitay Urim Tummim karon? Oo, sir. Ang Pulong sa Dios! Oo, sir. Mao *Kini*. Ang si bisan kinsa nga adunay bisan unsang matang sa pinadayag, o nagasulti man sa bisan unsa, o bisan unsa mang doktrina nga dili pinasikad ug ka... ug nagasubay niining Biblia, kinatibuk-an sa maong Kasulatan, siya sayop. Dili ko ikasapayan kon unsa man siya nga denominasyon, unsa man siya ka maayo, unsa man siya ka maantigo, unsa man siya ka edukado; siya sayop.

289 Ug kon bisan kinsa nga tawo nagasulti kaninyo niining mga butanga, nga ato nang gitudlo dinhi sa iglesia karon, ug nagasulti kaninyo, nga, "Kon ikaw gipisik-pisikan na, kini pwede ra," siya nagasulti kaninyo ug bakak. Dili kana mosiga diha sa Urim Tummim. Kon siya nagasulti kaninyo, nga, "ang Pagbubo pwede ra," siya nagasulti kaninyo ug bakak. Siya nagasulti kaninyo, "Ang pagpabautismo sa ngalan sa 'Amahan, Anak, Espiritu Santo,' pwede ra," siya nagasulti kaninyo ug bakak. Kon siya nagasulti kaninyo, "Ang mga adlaw sa mga milagro milabay na," siya nagasulti kaninyo ug bakak. Kon siya nagasulti kaninyo, "Pwede ra alang sa mga babaye ang magwali," siya nagasulti kaninyo ug bakak. Kon siya nagasulti kaninyo, "Kini pwede ra alang kaninyo ang pagpadayon ug magpabilin diha sa inyong denominasyon," siya nagasulti kaninyo ug bakak. Kini dili mosiga diha sa Urim Tummim. Ug mga dinosena nga mga butang nga nanagpanggawas, diha nianang karaang "INAHANG BIGAON," ug nangabot didto, ug diha kon ngano nga kita nagapahilayo sa denominasyon.

290 Kita nahigugma sa atong mga kaigsoonan ug mga igsoong mga babaye diha nianang mga denominasyon. Apan dili kamo mangadto, ug nagaingon, "Ako usa ka Methodist," ug himoon ka nga Cristohanon, alang kanako. Ikaw usa ka Cristohanon tungod kay ikaw natawo sa Espiritu sa Dios. Kamo dili na kinahanglan mamahimong Methodist o Baptist. Kamo dili na kinahanglan mamahimong bisan sa usa niini. Kamo kinahanglan lang matawo pag-usab diha sa Espiritu sa Dios. Nagatoo ba kamo niini? [Ang kongregasyon nagaingon, "Amen."—Ed.]

291 Diha niining mga basihanan, ang si kinsa man nga ania dinhi ug gusto nga makigduyog ug moanhi sa pagpanag-uban niining pagsimba, ug gusto nga—gusto nga matuslob, mabautismohan sa Ngalan ni Jesus Cristo, ania ang bautismohan. Sila magapangbautismo, sa makadiyut lang.

292 Kon aduna may bisan kinsa, daghan dinhi, ang si bisan kinsa nga buut moanhi, sa bisang unsa nga paagi? Ania kami. Tinuod kana.

293 Karon, kami—kami walay bisan unsa man nga pagpamiyembro; moanhi lang kamo niining iglesia. Kami nagatoo nga si Cristo anaa sa Methodist nga iglesia, sa Baptist nga iglesia, sa Presbyterian nga iglesia. Aduna Siyay mga miyembro sa matag usa kanila. Ug unsa may nakulang, karong panahona; mao ang walay kamatuorang propesiya nga nagapagawas nianang mga butanga, ang ginatudlo nianang mga iglesia, nga sa hingpit supak gayud sa Biblia.

294 Karon, kon may usa nga nagpasabut Niana sa tin-aw nganhi kanako, dalhon ko sigurado ang akong kaugalingon. . . Ako nagatoo nga adunay igo nga Espiritu sa Dios sulod kanako, aron pagsusi nianang Biblia ug moduol ug tarungon kini. Kon ako nag-anha lang dinha ug naglamano sa mga kamot sa magwawali, ug nagsulat sa akong ngalan diha sa libro, ug sa gihapon adunay kasuko ug malisya sulod sa akong kasingkasing, ug sa gihapon adunay kasina ug pagdumot, ug sa gihapon wala nagtoo nga si Jesus Cristo maoy dakung mananambal, ug uban pa nga sama niana, ako moadto ug magpatul-id sa Dios, dihadiha dayon. Ako siguradong nagatoo nga akong himoon gayud. Ako—ako mahimong ingon ana ka matinud-anon bahin niini. Ako moadto'g tarungon kini uban sa Dios. Kon ako nagsalig lang kay tungod ako usa ka Baptist o usa ka Methodist, ako moduol ug ipasulod ang Cristyanismo sa akong kasingkasing. Akong buhaton kini. Oo, sir.

295 Karon timan-i ang nagsingabot nga rebaybal, nga magsugod, kon itugot sa Ginoo, karong moabot nga Miyerkules sa gabii. Kini uyon diha niining mga basihanan.

296 Paminaw, mga higala, adunay tinuod ug buhi nga Dios. Tinuod kana. Si Jesus Cristo mao ang Anak sa Dios. Ang Espiritu Santo anaa sa sulod sa Iglesia karon.

297 Karon, kon ako aduna lamay tawo nga kinahanglan pa isulti kana kanako, aduna pa koy katungod pagduhaduha niini. Apan, paminaw. Usa ka adlaw kaniadto, ingon nga usa pa ka gamay nga batang lalaki, ako kaniadto nagatindog ilalum sa usa ka kahoy; ako Siyang nakita. Ako Siyang nadungog. Iya kong giingnan, miingon, “Pahilayo gikan kanila nga mga mahugaw'ng babaye. Pahilayo sa mga sigarilyo. Pahilayo sa mga pagpamalikas, pag-inom, ug tanan niining mga butanga. Aduna Koy trabaho nga ipabuhat kanimo kon modaku ka na.” Ako nasayod nga Siya matuod, buhi nga Dios nga nagatuman sa Iyang Pulong.

298 Sa dihang ako nidaku-daku na, kon giunsa Niya ako pagtagbo, kon giunsa Niya pagpakig-istoriya kanako! Kon giunsa ko pagkakita Kaniya didto, sama sa nagadilaab nga



sapinit, ug kanang Kalayo nga naglibotlibot didto! Kon giunsa ko pagkakita Kaniyang nagsulti ug nagtug-an sa mao gayud kon unsay mahitabo; ug, matag higayon, moigo sa hingpit ingon gayud sa mahimong mahitabo, sa hingpit sama niana.

<sup>299</sup> Ang mao rang Usa nga nagasulti niadtong pinahingpit nga mga butang sama niana, mao ang mao gihapong Usa kinsa nagalamdag kanako sa pagtudlo niining Biblia diha sa pamaagi nga akong ginatudlo Kini. Tinuod kana. Mao nga, Kini nagagikan sa Dios. Alang kanako, kini mao ang Dios nga Makagagahum, ug Siya ang mao sa gihapon kagahapon, karon, ug hangtud sa kahangturan.

<sup>300</sup> Si Jesus miingon, “Ako gikan sa Amahan, ug Ako moadto sa Amahan.” Sa dihang Siya ning-abot. . .

<sup>301</sup> Sa dihang Siya kaniadto ang Dios sa kamingawan, Siya usa ka nagasiga nga Kahayag. Ug pila ang nahibalo niana? [Ang kongregasyon nagaingon, “Amen.”—Ed.] Siya ang nagasiga nga Kahayag, Haligi nga Kalayo.

<sup>302</sup> Ug Siya mianhi dinhi sa kalibutan, ug Siya miingon, “Ako gikan sa Amahan, ug Ako moadto. . . Ako gikan sa Dios, ug Ako moadto balik sa Dios.”

<sup>303</sup> Sa dihang Siya namatay, gilubong, nabanhaw pag-usab, ug si Pablo sa iyang dalan didto paingon sa Damascus natagbo Siya pag-usab, unsa man Siya kaniadto? [Adunay nagaingon, “Usa ka Haligi nga Kalayo.”—Ed.] Sa gihapon usa ka Haligi nga Kalayo. Oo, sir.

<sup>304</sup> Unsa man ang Iyang gibuhath sa dihang Siya dinhi pa sa kalibutan? Unsa man ang Iyang gibuhath sa dihang Siya mitagbo kang Pablo? Giunsa man Niya pagpadala kaniya? Iya siyang gipaadto ngadto sa usa ka profeta nga nagsulti kaniya unsaon pagpabautismo, nagsulti kaniya kon unsay buhaton; nagpandong sa iyang kamot nganha kaniya ug nag-ayo kaniya, nagsulti kaniya nga siya nakakita ug usa ka panan-awon.

<sup>305</sup> Kanang mao gihapong Jesus ania karon, nagabuhath sa mao rang mga butang, ug sa gihapon ang mao ra nga Haligi nga Kalayo, nagatudlo sa mao rang butang, ug ginapamatud-an kini pinaagi sa Iyang Pulong, ug pinaagi sa mga timailhan ug mga kahibulungan. Ako malipayon kaayo ingon nga usa ka Cristohanon, ako wala nahibalo kon unsay buhaton. Ako nalipay nga kamo Cristohanon.

<sup>306</sup> Ug kamo, dinhi sa tabernakulo, ako nang giingon kaninyong ilisan ang ngalan niini. Dili kini sakto alang niini nga mamahimong Branham Tabernacle. Tawo lang kana, kita n’yo. Atong ilisan ang ngalan niini, himoon kining lain nga ngalan. Moanha ra kita dinha, sa taod-taod lang. Gusto ko lang nga mamahimo kini nga usa ka—usa ka iglesia sa buhi nga Dios. Dili ko gusto niini nga mamahimong Methodist, Baptist, Presbyterian, Pentecostal. Ako. . .

307 Kanang tanang mga tawo, akong ginahigugma sa tibuok nakong kasingkasing. Wala ko kahibalo kon kinsa sa inyo ang unsa. Dili ko makasulti kaninyo. Ako magawali lamang sa Pulong. Ako nagbuntaw sa pukot ug magbira niini pabalik. Adunay mga baki, ug adunay mga lawa sa tubig, ug adunay mga bitin, ug adunay pipila ka isda, usab. Kana anaa ra sa Dios ang paghukom niana. Ako magbitad lamang sa pukot, magwali lamang sa Pulong ug magbira niini pasulod, ug moingon, “Ania sila, Ginoo, tanan nga nagpalibot sa altar. Ikaw nahibalo sa Imoha; Nailhan Mo na sila sukad pa sa pagkatukod. Wala ko masayod kon kinsa ang unsa kanila. Ikaw ang nasayod, mao nga kini anaa ra Kanimo, Ginoo. Mao kana ang labing maayo nga akong mahimo. Ako moanhi dinhi ug mamukot kon asa pa nga dapit karon, ug magpasulod ug usa pa ka panon. Mao kana ang tanan kong mabuhat.” Tinuod.

Oh, I feel like traveling on,  
I feel like traveling on;  
My Heavenly Home is bright and fair,  
And I feel like traveling on.

308 Karon hinumdumi, bisan kinsa nga gusto ug mga pagkasabot, tawag lamang kang Mr. Mercier dinhi: BUTler 2-1519. Kami malipay nga makita kamo. Kon ang inyong mga minahal misulod, kinahanglan magdali sa panahon sa rebaybal. . . Karon ako molakaw, gikan karong gabii, aron mag-inusara, ug mawala sulud sa duha ka adlaw karon, mag-inusara.

309 Mosulod lang ako didto ug moadto sa pagtoon, sama niini, “Ginoo, Ikaw haduol kanako. Nasayod ako nga Ikaw ania. Ug ang Imong Pulong nag-ingon Ikaw magapahiduol ngadto kanila nga nagapahiduol nganha Kanimo.” Ako nagapadayon pag-ampo ug pagbantay hangtud nga akong makita kanang Haligi nga Kalayo nga magsugod paglihok. Nasayod ako nga kini andam na diha niana. Dayon ako magalakaw na ngadto sa entablado alang sa buluhaton sa pagpanambal, sa pag-ampo, ug sa pagbuhat kon unsa ang akong mamahimo aron pagtabang sa masakiton ug nag-antus.

310 Kami nagadayeg sa tanan ninyo nga kamaayo karon. Ug sa dihang kamo nagaanhi, pag-anhi nga nagatoo, ug kami nagapaabot nga adunay daku nga panagkatigum. Gusto ko nga moingon nga . . .

311 Si Igsoong Jeffries, ania ba siya dinhi karong gabii? Gusto kaming magpasalamat kang Igsoong Jeffries ug sa iyang buluhaton. Ako nagadahum nga siya atua na ningbalik sa mga isla, ug uban pa.

312 Nalipay ko nga makita si Igsoong lalaki ug Igsoong babaye nga Wright, ug daghan kaninyo nga mga katawhan dinhi.

313 Ug akong nakita si abogadong Robertson dinhi, sa dili pa dugay, ningsulod sa dili pa dugay. Gusto ko nga modayeg

kaniya sa iyang—sa iyang mensahe nga iyang gihisgutan sa miaging adlaw. Walay usa nga nag-ingon kon kinsa kadto. Makaulaw kadto. Siya aduna gayuy tinuod nga maayong mensahe mahitungod sa pagpanagna, usa ka butang nga susama sa akong ginawali karong gabhiona.

<sup>314</sup> Ug, mao nga, unya aduna pay usa ka ministro dinhi kaganinang buntag, o kagabii, si Igsoong Smith, gikan sa Methodist nga iglesia. . . o gikan sa Church of God, dinhi. Wala ko kahibalo kon ania ba siya dinhi karong gabii, o wala. Kon ikaw makatindog gayud niining pulpito ug motan-aw sa likod dinha, mora ug lisod pagpang-ila; kini halapad, imong makita, ug dili ka makaila. Kon ania man ka, Igsoong Smith, kami nagapasalamat kanimo.

<sup>315</sup> Ug dili ba kining, nagalingkod dinhi, kining gamay'ng igsoon gikan sa Georgia, dinhi sa likod mismo nagalingkod tupad ni Igsoong Collins? [Si Igsoong Neville nagaingon, "Oo."—Ed.] Nalipay ko nga makita ka dinhi pag-usab karong gabhiona, igsoon.

<sup>316</sup> Ug ang uban pa kaninyo, tanan kaninyo, ang matag usa nakaila kon kinsa kamo.

<sup>317</sup> Ako nagatoo nga kini mao ang igsoon nga babaye ug igsoon nga lalaki kinsa miadto ug miampo alang sa batang babaye niadtong panahona, dinhi mismo, usa ka doktor nagalingkod dinhi diha sa kilid. Ang Ginoo magapanalangin kanimo, doktor.

<sup>318</sup> Karon, palihug ayaw pagbati ug kasilo kanako, kamong mga ministro ug mga kaigsoonan, tungod sa pamaagi sa akong pagdala niini diha ingon sa kapig'ot nga akong mahimo. Kini among tabernakulo. Mao kini kon unsa ang among ginabarugan, ug gusto namong mapahiluna Kini diha mismo nianang Pulong, ug uyogon sila uban Niini. Unya, kon ikaw mohigawas man sa linya, among balikan ug ingnon, "Mas nahibalo ka naman. Ania Kini diha sa teyp." Kita n'yo? Tan-awa. "Ania Kini diha sa teyp."

<sup>319</sup> Kita aduna pay daghan nga pagapadayonon dinha, Leo. Apan, apan kita. . . Kamo nakabaton na ug ingon niana ka daghan. Pabilin gayud kamo diha Niana, ug kuhaon nato ang uban pa Niini human sa hamubong panahon. Sama sa maong tawo, nga nagakaon ug sandiya, miingon, "Lami gyud kaayo kadto, apan aduna pay uban niini." Mao nga aduna pa kitay daghan Niini, gihapon, nga magaabot pa.

<sup>320</sup> Ang Ginoo nagapanalangin kaninyo, nga maayo gyud karon. Samtang kita. . . Magahimo ug usa ka serbisyo sa pagbautismo karon na. Tinuod ba kana, Igsoong Neville? [Si Igsoong Neville nagaingon, "Oo, ako nagtoo niana."—Ed.] Aduna bay usa dinhi nga magpabautismo karon na? Dili namo ikasapayan kon kinsa man kamo; kami—kami ania aron pagbautismo. Iisa ang inyong mga kamot, ang katong mga magpabautismo. Usa ka tawo, ako nagtoo nga kadto usa ka. . . Ania ang ginang dinhi. Ug aduna

pa bay uban? Karon, aduna kitay mga bisti dinhi alang sa mga lalaki ug mga babaye.

<sup>321</sup> Karon, kami wala nagaingon, “Biyai ang iglesiang Baptist. Biyai ang Methodist nga iglesia.” Wala kami nagaingon. Balik kamo mismo sa inyong iglesia. Apan kon wala pa kamo mabautismohi pinasubay sa Kasulatan, sa Ngalan ni Ginoong Jesus. . . Dili sa Ngalan ni “Jesus” lamang, karon. Sa Ngalan ni “Ginoong Jesus Cristo,” mao kana ang sa Kasulatan. Ikaw nabautismohan sa sayop.

<sup>322</sup> Dili ko gusto ug kakulian sa dihang ako moabot na sa sapa. Gusto ko ang tanan ingon katin-aw sa akong nahibaloan nga mahimo, sa dihang ako nagagunit na nianang tiket, kita n’yo, tungod kay gusto kong makasakay na nianang higayona. Tambagan ko kamo’g pagbuhat sa ingon.

<sup>323</sup> Balik ngadto sa inyong iglesia. Anaa na kana, tali kanimo ug sa Dios. Mao lamang kana ang tanan kong ikasulti kaninyo.

<sup>324</sup> Apan walay usa diha sa Kasulatan nga gikabautismohan sa bisan unsa nga laing pamaagi apan sa Ngalan ni “Ginoong Jesus Cristo.” Ug kadtong nabautismohan na, gimandoan ni San Pablo, kinsa nag-ingon, “Kon may usa ka Manolonda nagwali ug bisan unsa pang lahi, ipatunglo siya.” Gimandoan sila sa pagduol ug magpabautismo pag-usab, pagbalik, sa Ngalan ni “Ginoong Jesus Cristo.” Tinuod kana. Ug iyang gibuhat kini. Ug unsay iyang gibuhat, iya kitang gisugo sa pagbuhat; mao kana kon unsa ang atong pagabuhaton, kon itugot sa Dios.

Kita nagatoo sa paghugas sa mga tiil. Kita nagatoo sa komyunyon.

<sup>325</sup> Kita nagatoo sa ikaduha nga Pag-abot ni Cristo, ang mga makita, korporal nga lawas sa Ginoo; dili Espiritu, apan ang korporal nga lawas ni Ginoong Jesus nga nagaanhi pagbalik diha sa kahimayaan.

<sup>326</sup> Kita nagatoo sa lawasnon nga pagpangabanhaw sa patay, aron sa pagpangadawat ug usa ka lawas, dili ang karaan ug kunoton na ingon sa atong pag-adto sa lubnganan; apan usa ka bag-o, diha sa kamaya sa kabatan-on, aron pagkabuhi hangtud sa kahangturan.

<sup>327</sup> Kita nagatoo sa pagkawalay kamatayon sa kalag, sa walay pagduha-duha. Kita nagatoo nga aduna lamay usa ka matang sa Kinabuhing Walay Katapusan, ug mao kana ang Kinabuhi nga imong makuha gikan kang Cristo Jesus. Tinuod gayud kana.

<sup>328</sup> Mao nga, kita wala nagatoo sa silot nga Walay Katapusan. Kita nagatoo sa impyernong kalayo, asupre nga nagakalayo, apan kita wala nagatoo nga kini nagakalayo sa walay katapusan; kon kini mao pa, ikaw adunay Kinabuhing Walay Katapusan. Aduna lamay usa ka Kinabuhing Walay Katapusan; Kana nagagikan sa Dios. Ug tinuod kana. Ikaw pagasunugon, tingali

sa sulod sa minilyon ka katuigan, napulo ka milyon ka mga katuigan, wala ko kahibalo, apan ikaw dili makabaton ug Kinabuhing Walay Katapusan. Dili ka masunog sa walay katapusan. . . Masunog ka hangtud sa kahangturan, apan dili sa Walay Katapusan. Kita n'yo, adunay kalainan taliwala sa Walay Katapusan ug hangtud sa kahangturan. Ang *Hangtud sa Kahangturan* maoy hangtud sa kahangturan ug hangtud sa kahangturan, usa ka iglalanggikit, nagkahulugan ug usa ka "gidugayon sa panahon." Apan, ang Walay Katapusan, ikaw walay Walay Katapusan nga silot.

<sup>329</sup> Ikaw adunay Kinabuhing Walay Katapusan, tungod kay aduna lamay usa ka matang sa Kinabuhing Walay Katapusan. Ug siya nga adunay Kinabuhing Walay Katapusan, nagakabuhi ug gipanalanginan sa Dios sa walay katapusan.

<sup>330</sup> "Apan ang kalag nga makasala, kana nga kalag ma. . ." Unsa? [Ang kongregasyon nagaingon, ". . .mamatay."—Ed.] Tinuod kana. Unya, kini walay Kinabuhing Walay Katapusan. Tinuod gayud. Kini adunay—kini adunay iyang silot, apan dili nga Kinabuhing Walay Katapusan.

<sup>331</sup> Gani, nakita ninyo, adunay daghang mga butang nga igatudlo pa, atong hisgutan sa sunod nga higayon. Ang Ginoo magpanalangin kaninyo.

<sup>332</sup> Karon atong awiton kining maayo nga karaang alawiton, samtang ang atong igsoong babaye magaadto didto. Ako nagtoo nga kining gining dinhi maka. . .

<sup>333</sup> Rosella, mao ba kana ang imong inahan? [Si Igsoong Rosella nagaingon, "Oo."—Ed.] Aba, panalanginan ang imong kasingkasing! Nalipay ko nga makita ka, igsoon, nga nagahimo niana. Maayo kaayo kana.

<sup>334</sup> Si Rosella Griffin, usa sa labing maayong mga gamay'ng mga kahigalaan nga anaa kita. Siya usa ka batan-ong babaye nga kanhiay usa ka palahubog; alang sa pipila kaninyong mga tawo dinhi, nga tingale dili nakaila. Si Rosella dili magsapayan kanako sa pagsulti niana. Sa dihang siya miduol ibabaw sa entablado didto sa—sa kon asa. . . dinhi sa Indiana. Nakakita na ba mo ug usa ka makaluluoy gayud, siya usa kanila, usa ka budlat nga palahubog. Diin, upat ka bantugan na nga mga doktor sa Chicago miingon nga siya maoy. . . Ang Alcoholics Anonymous, ug ang tanan na, wala nay mahimo kaniya. Apan usa ana ka gabii sa dihang siya mitambong sa panagtigum, ang Espiritu Santo nagbadbad sa iyang kinabuhi ug nagsulti kaniya mismo didto. Mao nang nagtapus niini.

<sup>335</sup> Tan-awa siya karon, sa akong dahum, sa lampas katloan na ang kagulangon, mahimong tan-awon ug napulo'g walo pa; hiligugmaon, ug maanyag nga batan-ong babaye. Dili na nakatilaw pa ug imnonon sukad; wala nay pagpangandoy niini. Nagakinabuhi alang kang Cristo, nagasuroy sa kadalanan, bisan

diin, nga nagapanghimatuud sa himaya sa Dios, ngadto sa mga makasasala ug sa mga palahubog, tanan diha sa kadaplinan, ug tanan na, sa Chicago, nagapamuhat ug butang alang sa Ginoo.

<sup>336</sup> Siya gibautismohan sa Ngalan ni Ginoong Jesus, ug ang iyang inahan nagaanhi karong gabii aron sa pagbuhat sa ingon usab; kon ang usa ka Dios makaayo kaniya, kon si Jesus makaayo kaniya. . . “Bisan unsa nga inyong pagabuhaton sa pulong o sa buhat, buhata kining tanan sa Ngalan ni. . .” [Ang kongregasyon nagaingon, “Jesus Cristo.”—Ed.] Mao kana kon unsa ang gisulti sa Biblia. Tinuod kana.

<sup>337</sup> Bueno, karon kita magapahimutang na sa serbisyo sa pagbautismo. Atong palongon ang mga suga sa diyutay’ng gutlo lamang samtang kita nangandam alang sa serbisyo, aron mabautismohan, ug—ug dayon kita magpaabot ug usa ka maayong panahon diha sa Ginoo.

<sup>338</sup> Maghimo ba mo ug serbisyo sa pagbautismo karong gabhiona? Bueno, mas maayo mo—mas maayo nga mangandam na mo. Ug ako magsugod, ako manguna sa mga alawiton ug mga butang samtang kita nagapadayon nianang higayona. Samtang sila nagahimo’g. . . [Si Igsoong Neville nagaingon, “Aduna bay mga sinina dinhi sa luyo, Dok?”—Ed.] Mga sinina nga pangbautismo, Dok, dali. Bueno.

<sup>339</sup> Ato lang awiton ang usa niining maayong karaan. . . [Si Igsoong Branham nagapanguna sa simbahanong pag-awit, samtang si Igsoong Neville nagabautismo sa igsoon nga babaye—Ed.]

<sup>340</sup> [Blangko nga bahin sa teyp—Ed.] Ug hangtud mabuhat nato kana, samtang kita mamauli, buhaton nato dapat ang unsa?

Dalha ang Ngalan ni Jesus uban kanato,  
Manghapa diha sa Iyang mga tiil,  
Hari sa mga hari sa Langit, ato Siyang  
purongpurongan,  
Sa dihang ang atong panaw human na.

Bueno, itindog nato ang atong mga tiil!

Take the Name of Jesus with you,  
Child of sorrow and of woe;  
It will joy and comfort give you. . .

<sup>341</sup> Sultihan ko kamo kon unsay atong buhaton. Lingi sa tuo ug makiglamano sa kon kinsa diha, ug ingna, “Kumusta ka, igsoon? Sigurado akong nalipay nga nakaanhi sa serbisyo uban kanimo.”

Precious Name, O how sweet!  
. . . and joy of Heaven;  
Precious Name, precious Name, O . . .



*ANG BINHI SA SERPENTE* CEB58-0928E  
(The Serpent's Seed)

Kining Mensahe ni Igsoong William Marrion Branham, una giwali sa Ingles niadtong Domingo sa gabii, Septyembre 28, 1958, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2009 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)